





張說之文集卷第十二

頌

大唐祀封禪頌

宋公遺愛碑頌

大唐祀封禪頌

隴右監校頌德碑

觀世音菩薩像頌



皇唐六葉開元神武皇帝再受命致大平乃封岱宗
 社首鑿石紀號天文煖發儒臣志美立祠祠壇曰厥
 初生人侑有君臣其道茫昧其風朴畧因時而啟起
 與運而紛落泯泯沒沒無聞焉爾後代聖人取法象
 立名位衣裳以等之甲兵以怛之於是禮樂出而書
 記存矣及其源致敬乎天地報其本致美乎鬼神則
 封禪者帝王受天命告成功之為也閱曩聖之奧訓

考烈辟之通術疇若天而不成曷肯道而靡失由此
推之封禪之義有三帝王之畧有七七者何傳不云
道德仁義禮智信乎順之稱聖哲逆之號狂悖三者
一位當五行圖錄之序二時會四海昇平之運三德
具欽明文思之美是謂與天合符名不死已有不足
而云封禪人且未許其如天何言舊史者君莫道於
陶唐虞舜莫臣德於臯陶稷尚三臣降德皆有天下
仲尼叙帝王之書繫魯泰之誓明魯祀周公用王禮
秦承伯益接周統孔聖微旨不其効欤然秦定天下
之功高享天祿之日淺天而未忘遯堅之德也故大
命復集于皇家天之資唐不惟旧矣其與之也玄灵
啓迪黃祗頌懷應暉運以義奉撫來蘇以利見護也

生歷郡縣省謠俗問百祀具墜典葺闡政攸徂之人
室家相慶萬方縱觀千里如堵城邑連歡丘陵聚舞
其中垂白之老樂過以泣不面藁里之魂復見軋封
之事堯雲往舜日還神華灵鬱爛燠乎穹壤之間是
月來至于岱極被齋宮惇濯靜室凝神玄覽將歛大
一議夫太山者聖帝受天官之宮天孫摠人灵之府
自昔立國莫知萬數克外中而建號惟七十而有五
我高宗六之而今七矣非夫尊位盛時明德曠代遼
闊難并之甚哉先時將臻夫大也封累封彊於高崗
築泰壇於陽趾夫其天壇三襲辰陞十二咸秩衆灵
列座有崇次牙樹羽管磬鏞鼓宮懸於重道匱之內干
戚釵及鈎戟戮戮周位於四門之外伐國重器傳代

絕瑞旅之於中庭玉輦金轂翠胃黃屋夾之於端路
庶官百僚羗夷垂貂褒成之後讓王之客序立於禮
神之場髦頭駟牙鐵馬金鏃介胄如雪旗幟如火遠
匝於清禁之野於是乎以夫天正上元法駕徐進也
千乘於平路留群臣於谷口皇帝御六龍陟萬仞獨
與一二元老執事之人出天門臨曰觀次沆瀣宿峽
崑赤霄可接白雲在下庚寅祀高祖於上封以配上
帝命衆官於下位以享衆神皇帝冕裘登壇奠獻俯
倭叶金奏侑羽舞撞黃鍾歌大呂開閭闔與天語清
將信公奉斗布度懋建皇極勤恤蒼生招嘏乎未兆
攘灾乎未萌上下傳歡而禮成樂遍福壽同歸而帝
賜神策乃檢玉牒於中頂揚紫燎於高天庶忠誠之

上達若憑焰而駕烟日轡方旋神心餘眷五色雲起
拂馬以隨人萬歲山呼從天而至地越翌日尊睿宗
侑地祇而禮社首遂張大樂觀東后國風惟舊無黜
幽削爵之誅玉澤惟新有省災大賚之慶不浹日至
化洽於人心不崇朝景福遍於天下然後歲金匱於
祐室迴玉鸞於上都煌煌乎真聖朝之能事而高代
之盛節者也于斯之時萃戎殊俗異音同歎曰兵合
多兩山峻多靈豈有大舉百萬之師剋期千里之外
及行事之日則天無點翳地無纖塵嚴冬變為韶景
寒谷鬱為和氣非至德其孰能動天如此其順者乎
昔人云自西自東自南北自無思不服今信知聖人
作而萬物覩其心服之之謂矣或曰祭泰折主先后

非禮歟曰是禮也非宜也王者父事天母事地侑神
崇孝無嫌可也且夫柴瘞外事帝王主之蒸嘗內事
后妃勅之是開元正人倫革弊禮起百王之法也故
令千載賤末光聆絕韻咀甘實漱芳潤燦玄妙之至
精流不已之淑聲臣說作頌告于神明三皇墳而五
帝典雖吉甫亦莫能名徒採彼輿人之詩曰大矣哉
維天為大惟皇作則率我萬國受天之祺子孫百代
人神共保綏之云爾而已矣

大唐開元十三年隴右監校

數

頌德碑奉勅撰

周禮校人掌王馬之政天子十二閑馬六種閑為一
廐馬二百一十六應軋之策也六廐成校五良一駕
是之謂小備校有左右閑成十二合月之道也駕馬

三良馬之數凡三千四百五十六是之謂大備秦并
一海內六萬騎之國馬盡歸之帝家則周制陋矣漢
孝武富文景儉局之積雄衛霍張皇之勢勒兵塞上
廐馬有四十萬匹及東漢魏晉國馬陵不可復逮陵
武帝時矣後魏胡馬入洛蹴踏千里軍陣之容雖壯
和鑿之儀亦闕大唐接周隋亂離之後承天下征戰
之弊鳩括殘燼僅得牝牡三千從赤岸澤徙之隴右
始俞太僕張萬歲葺其政焉而奕世載德纂修其緒
肇自貞觀成于麟德四十年間馬至七十萬匹置八
使以董之設四十八監以掌之跨隴西城平涼天水
四郡之地幅員千里猶為隘狹更析八監布於河曲
豐曠之野乃能容之于斯之時天下以一練易一馬

秦漢之盛未始聞也張氏中廢馬官亂職或戎狄外
攻或師圍內寇垂拱之後二十餘年潛耗太半所存
蓋寡開元神武皇帝登大寶受靈符水瑞感而河龍
出星精應而天駟下二年春帝乃簡心俯善畜之將
福祐宜生之長俾領內外閑廐使焉即開府霍公其
人也公名毛仲姓王氏開元佐舍之元勳東國亡王
之後裔四百輔禹與治水之謨四七興漢在經星之
列清明虛受察舍永鑑籌謀先覺慮出蒼毫竭無私
之志而善歸天造輸不懈之力而玄同日用故騰躍
風雲舉附日月符功第一承恩莫二庭羅魏絳之鍾
鼓第賞京邑之山林文馬蕃錫於晉侯御衣亟分於
韓信庶姜如玉則降榮彤管衆子垂髻則抱拜朱第

止若雲屯百靈震聳四方 振躍威懷紛壯觀揮霍
迴衡飲至朝庭宴樂上顧謂太僕少卿其力也對曰
帝之福也仲之令也臣何力之有因具上其狀帝用
嘉焉霍公口無伐辭貌無得色朝髦庠齒歆以多之
於是明威將軍行右衛郎將南使梁守忠忠武將軍
行右羽林中郎西使馮嘉泰右千牛長史比使張知
古古左驍衛郎將兼監州刺史鹽州監牧使張景遵
隴州別駕循武縣南東宮監牧常衡都使判官果毅
齊琛總監常續及五使長戶三萬一千人僉曰自開
府庇我十三年矣畜有媿息人無乏匱克猷帝心美
匪嘉續且如停西南兩使六項人夫橐鞬八十萬工
園石以息人約費其政一也納長戶隱田稅三萬五

千石以檢私肥公其政二也減太僕長支乳駱馬錢
九千三百貫以窒隙止散其政三也尚考供軍筋膠十萬
七千斤以牧絹縵工其政四也尚考使監官料舊給庫物新奏置
以羨蓄禦冬其政五也使監官料舊給庫物新奏置
本牧分其利不喪正錢二萬五千貫以實府宜官其
政六也賈死畜貯絹八萬往嚴道市焚僮千口以出
滯足人其政七也五侯長戶數盈三萬墾田給食糧
不外資以勤農却輓其政八也敢問郡牧之事孰能
加於此乎然則稱伐計功前典所貴上以美聖主擇
才之得人下以贊忠臣受任之盡節未以道官屬承
風之成事竟以示後代照前之令聞是四烈者不可
廢也既而大君有命舊史書功吟詠壞奇篆刻金石

秦沂渺渺尚想非子之風魯野區區猶傳史克之頌
試從此而觀彼夫何足以言哉頌曰

皇天考牧兮聖之君四十三萬兮馬為群
澶泲沂渭兮垣隴阪飛黃皂兮昆蹄荒山崆峒兮水鳴咽泉噴玉
兮草汗血聚如花兮散如雲性既馴兮才亦絕維國
家之大事駕時龍兮祭天地和鑿發兮文物備維皇
帝之七德摠戎馬兮威萬國彩髦翻兮金介胄有霍
公之掌政擇張氏之舊令天王駕兮伏黃麾太僕駮兮
展輅儀舞月駟兮蹀雲螭神侗兮態權奇驥驥溢
野兮牛羊日多子孫榮泣兮思寵如何頌皇靈兮篆
石數萬斯年兮群玉府

廣州都督嶺南按察五府經略使宋公遺愛

碑頌

維唐御天下九十有八載蒼生賁乎海隅玄澤漫乎
荒外天子念窮鄉之僻陋徼道之脩阻吏或不率不
攸人或不康不若乃命舊相廣平公宋璟鎮茲商壤
式是南州篤五管之政教揔三軍之旗鼓負萬里
馴致九譯詔書下日靡然順風曷由臻斯威名之路
也而公曩時執白簡登瑣闥推誠謇諤不私形骸忤
英主之龍鱗躋奸臣之虎尾挫二張之銳則聲惶寰
域折三思之角則氣蓋風雲由是極有四星維帝之
輔地有五岳維天之柱其入宰也君之股肱其出守
也人之父母至於此邦之長人也飲食有節衣服有
常清心而庶務簡正色而羣下一瑟兮憫兮赫兮亘

兮固以不怒而威不言而信雖有文身鑿齒祝髮儋
耳衣卉麪木巢山館水種落異俗而化齊言語不通
而心喻矣其率人板築教人陶瓦室皆墜空畫遊則
華風可觀家撤茅茨夜作而炎火不發棟宇之利也
自今始祖國舶海琛雲萃物無二價路有遺金殊裔
胥易其迴途人咸內我邊交易之坦也有如此故能
言之士舉為美談蓋微子去殷以後王者襄公伐楚
將得諸侯尚書東漢之雅望黃門北齊之令德宋氏
世名公其濟美詩所謂無念爾祖聿脩厥德廣平有
焉君夫往者屈來者伸也往來相召而哀樂維之鳴
飛邊渚於汝信處龍章衮衣以我公歸鬱陶乎人思
嗟嘆之不足廣府司馬譚瓌耆耇某乙等相與

刻石傳微斯文予春秋之徒也豈將苟其辭哉雅敬
宋公主君之重次嘉譚子贊德之義遙感耆舊去思
之勤越常變風知周公之才之美吉甫作頌見申伯
于藩于宣觀政將來惡可廢也頌曰

降玉宰兮遠國靈歌北戶兮舞南溟酌志德兮考六
經政畫一兮言不再草木育兮魚鼈寧變蓬屋兮改
籬牆魚鱗瓦兮鳥翼堂洞日華兮皎夜光火莫炆兮
風莫颺事有近兮惠無疆崑崙寶兮西海財幾萬里
兮歲一來舟如島兮貨爲臺市無欺兮路無盜旅忘
家兮扁夜開越井崗兮石門道金鼓愁兮旌旆好來
何暮兮去何早爆牛牲兮菑雞卜神降福兮公壽考

龍門西龕蘇合宮等身觀世音菩薩像頌

我聞上古有聖人心入群有身包大空普觀察一切
音聲其名曰觀音菩薩日月有盡光明無際天地有
神終通不滅禮其形像隨願而成功稱其名號應時
而獲果龍門西龕等身像者此都人士思賢令蘇君
之所造也天下之大都有五而河洛摠其中皇居之
赤縣有二而合宮是其一四隩輻湊萬商厖謬政頗
財黷刑放寵佑所由然舊矣故強毅臨之則攫歛焱
攫覷霄不辜以扶撲眚眚是稱辨吏寬厚處之則千
沒淫詭相詐莫禦以息偃簡怠謂之風流其傷弊一
也武功蘇君名頌字廷頌隋右僕射邳國公之玄孫
今吏部尚書懷縣公之元子相門華列儒庭善訓雍
容文雅當代知名通才博藝於何不可御史天憲也

抗執簡之雄卽官星象也高握蘭之選帝車西幸皇
春東搖四方之極一臺歸妙蘇君於是乎始爲政於
京邑籍田戶以衍賦撤考貲畜以程力住董逋逃以
業浮庾詰姦慝以豫筑整制事典以示好惡敦術學
以興禮義省法罪獄吏無作威照郵駟園人不敢產
加以躬親足以勵勤謀始足以作則端莊足以易暴
清儉足以息貪夫如是簡往而事行正身而人慕輕
薄束脩而歸厚流亡襁負而耒復曾未朞月遷給事
中既而人吏父老聚而謀曰咨休哉明府之惠人也
春風暢之時雨露之心乎愛矣何以祝之朝廷豈不
念下民之鬱陶乎矣其爲奪我君而不省留也詩曰
愷悌君子神所愛矣庶幾乎三珍依憑百祥臻降云

爾乃購竒匠倣灵峯追琢鏡光鏡鑿電熒倚高壁臨
懸閑蹈石韵戴珉鬢縹緲雲聳婣娟玉立摸宰官之
形儀倪輪王之相好諦視瞻仰將亮爾而微笑攝心
傾聽疑憊然而有聲其左右則福地園林香城基址
前佛後佛大身小身巨峯嶺而相望遍虛空而無數
此身不動觀大地之衆生彼佛無來見河沙之世界
爾其北對宮觀南馳荆越闕路豁開而中斷伊水透
迤而長注修途交會車馬川流帝城風倍是焉遊覽
如鎮南之峴山似閑西之灞岸暮春桃李上巳清明
汎法池之淥波憑靜域之丹檻楊袂陰景躡步震山
花散四天香聞入目以不居之歲月閱無窮之人代
知妙容常在觀永劫之因緣盛德相傳與此山而終

始不其偉歟昔孔子化中都以攝魯相卓茂理千密
以踐漢台夫樹善有基建功無小蘇君春秋鼎盛德
業日新方欲驤首天地整駟雲漢致大君於堯舜紹
層構於常平是宰也故以五輅之推輪九域之覆篲
已重宣此義而說偈曰大哉玄聖心如明鏡采入禪
定龍飛清淨觀我佛性灵相珍飾精窮妙極千崑之
側因空見色登我願力不競不練不剛不柔敷政優
優百祿是適侑我蘇侯

張說之文集卷第十二

張說之文集卷第十三

贊

蒲津橋贊

孔子堂杜預贊

盧舍那像贊

二法堂贊

善法堂贊

座右銘

煖硯銘

溫泉箴

東山記

蒲津橋贊

皇帝馬上射贊

崔日知偶真圖贊

般若心經贊

三歸堂贊

精思院天尊贊

進筆硯架銘

素盤孟銘

別揚盈川烟箴

易曰利涉大川濟乎難也詩曰造舟為梁通乎險也
域中有四瀆黃河是其長河上有三橋蒲津是其一
隔秦稍塞臨晉名閼門西之要衝河東之輻湊必由
是也其舊制橫絙百大連艦十艘辨修笮以維之繫
園木以距之亦云固矣然每冬或水未合春泓初解流冰
漸崢嶸塞川而下如礎如旧如堆如阜或擻或捩或
磨或切綆斷航破無歲不有雖殘渭南之竹仆隴坻
之松敗輒更之釐不供費津吏或罪縣徒告勞以為
常矣開元十有二載皇帝聞之曰嘻我其慮哉乃思
索其極敷柘于下通其變使人不倦相其宜授其有
司俾鐵代竹取堅易脆圖其始而可久紓其終而就
逸受無彊惟休亦無彊惟恤於是大匠歲事百工獻

鑿賦晉國之一鼓法周官之六齊飛廉煽炭祝融理
爐是鍊是烹亦錯亦鍛結而為連鍊鎔而為伏牛偶
立於兩岸撐束於中渾鑠以時航牛以繫纜亦將厭
水物莫浮梁又䟽其舟間畫其鷁首必使奔斯不突
積凌不隘新法既成永代作則原夫天意有四首焉
濟人仁也利物義也順事禮也圖遠智也仁以平心義
以和氣禮以成政智以節財心平則應諸者神矣氣
和則感生萬物夫政成則又文之經矣財節則豐武
之德矣故天將儲其禎地將阜其用人將盈其力聖
皇之道軋軋翼翼觀藝而無窮詠功而無極

皇帝馬上射贊

第一

甘泉頓射飛野鷄一隻走狐二走兔十四不隔箭連
中五隻

一画招仁 三驅示武 走則發射 伏則不取

第二

中鷹前兔

寒兔滅沒 疾鷹逞巧 鳴鏑洞飛 失雋亡狡

第三

福陽頓同日中狗前兔

狡兔雋犬 力奔勢迫 持圓驟飛 捨按先獲

望賢頓停日射高飛鴈一隻走麋二走兔三十六不
隔箭連中五隻

獸殪山豪 鳥落雲雋 貫三疊兩 血不滅刃

望賢頓中獾狐

夜鳴之鳥 是謂獾狐 除人之惡 應箭而鋪

望賢頓隔馬射中麋

趨趨牙麋 寒草同色 隔馬百步 一縱而側

第四

仙遊頓中麋一走狐三走兔十八不隔箭連中八隻

天子省歛 薄狩岐陽 躬射五十 以奉蒸嘗

第五

文山頓射麋不隔箭連中二走狐一走兔二十一隻

我將獻鮮 從禽於野 一日百中 以威天下

武停頓向後射走兔其中射兔十九隻不隔連中十
一隻走狐三走麋二

霜兔斗迴雲龍騰過天旋月滿捨矢如破

仙林頓分駿射野狐中

有芘者狐起帝之祐分駿遠發應蹈于手

鷄子搦鴟不著飛過在後箭射應絃而落

驚鳶上飛鷲集橫搏矯箭爭中紛然旋落

一箭中兩鹿橫貫走五十餘步方倒

雙鹿並去一箭橫連上思陵寢以獻時鮮

是日還宮苑內用大箭射走四十口分賜諸王郡王

及從人等

帝入靈囿數百塵壯射其四十頒諸群后

孔子堂杜預贊

猗歟杜侯發揮孔聖春秋既立王道以正

列國行事君子莫之他人有心予忖度之

推凡是例定罪原詞開我後李從祀先師

金紫光祿大夫太常卿上柱國中山郡公崔

日知寫真圖贊

廓哉中山靈穿廟徹逸韻豪爽達音妙絕

孝盡思成忠全見節優游宮侶蕭條禪悅

白髮傳貞青松拂雪要之歲終是望邦傑

盧舍那像贊并序

詩云哀哀父母生我劬勞欲報之德昊天罔極是傷
不可止也戀而懷無所及之感其有飾聖以資親修
法以辰慕豈非孝子持明之心哉武擔山靜亂寺盧
舍那丈六鐵像者沙門履徹為先妣用無價黃金之

裴也徹師俗姓劉氏青城真人知古之弟道門釋種
守律護戒了如來廣大之心達如來加持之力見虛
空界劃縵茶壇知定慧手結金剛印過去不悟因後
行而追福當來未聞指前緣而證道觀佛相者成一
切智承佛光者壞無始業張聞說其事而憚之乃合
掌西南遙禮偈曰

大雄盧舍那

妙法甚深秘

神變加持力

普昇不動位

孝乎彼沙門

愛母而錫類

法財裝妙色

空色不相異

慧日破金山

慈光觸寶地

善來金剛手

一一見佛事

般若心經贊 并序

萬行起心心人之主三乘歸一一法之宗知心無所

得是真得見一無不通是玄通如來說五蘊皆空人
本空也如來諸說法空相法亦空也知法照空見空
舍法二者知見復非空耶是故定與慧俱空中法立
入此門者為明門行此路者為超路非夫行深波若
者其孰能證於此乎秘書少監駙馬都尉棗陽鄭萬
鈞深藝之士也學有傳癖書成草聖迺揮洒手翰鐫
刻心經樹聖善之寶坊啓未來之華業佛以無依相
而說法本不生我以無得心而傳今則無滅道存文
字意齊天壤國老張說聞而嘉焉讚揚佛事題之樂
石

蓋田法池寺二法堂贊 并序

法池西三歸院二法堂茲寺長老初上禪師所造也

禪師本姓彭俗名知至性至孝執親之喪七日不食
復言密行志道探玄究易老莊太一之旨善正書與
鍾王同格其精至點畫毫縷必見也折槁苛磨文石
筋理洒颯固非人力所致也中朝名士山數高尚法
流開勝遠近慕焉及晚年專意於禪誦平生藝業若
遺塵矣常嘆曰帝王父母許我出家雨露生成恩猶
一揆依如來教創是功德萬一手獻福二宮潛祐七
祖將與一切咸登道場於是三歸堂以長安元年辛
丑子月望日癸未志立善法堂以開元元年癸丑丑
月望日戊辰建禪師母弟仁琬弟子沙門啓疑及沙
彌令哲左右斯業實有力焉

三歸堂贊

敬告諸佛子
當從信根入
定慧不相離
二空亦復空

一心清淨觀
是佛虛空相
是僧和合義
住心三空寶

歎求正真道
是法微妙光
人空法亦空
是名三歸處

善法堂贊

至哉初上人
庄嚴清淨眼
見若不染色
亦名解脫知

建立善法堂
能運無礙心
知若不取識
佛觀離生滅

彩翠三世佛
普入於一切
是名真實見
諸法等如是

益州太清觀精思院天尊贊并序

蜀山劉尊師上清品人也兄學儒弟奉佛迥畫三聖
同在此堂煖乎有意哉達觀之一致也張說聞其風

而樂之作天尊贊

正氣生神 結虛為實 上清尊帝 中黃首出

華彩衣裳 虛無宮室 紫氣乘斗 亦鑪飲日

補天從化 萬靈受律 蓮花釋門 麟角儒術

法共不二 心同得一 道心惟微 守而勿失

并州勅造座右銘

安萬國禮百神放鄭聲遠佞人

進筆硯架銘

筆硯之間 聖心又察 青蠅導赦 震言漏洩

煖硯銘

筆鋒曉凍 墨池夜結 香炭潜然 推寒致熱

素盤孟銘并序

國子祭酒肅公好遊山水器珍雅素因適湯泉見榘
梓枌揄良材滿谷乃命山王作為盤盂盞罍樽解呈
其文理素而不飾還都分遺好事者說受賴盤盂二
事以銘之云爾

幽山之木 無心世路 器為盤盂 制以法度

匪丹匪漆 惟真惟素 理直防斲 節全思固

多用又傷 處盈招惡 嗟嗟君子 鑒微在悟

實是天然 貽我朋故

溫泉箴

東山少連曰玄冥氏之子曰任夫安机融氏之女曰
丁芋俱學水仙是為溫泉之神焉帝命之救萬靈盪
滯結肅臟達膚賡世下人多賴上帝是崇杵飛廉氏

之供^供女始之常欲大恩其坊故入溫泉火齋洒心戒
以防患恕以利物舍生之疾我願除妖二神嘉之吹
湯激邪珠連漚累滴汨揚華此其效也若入溫泉僻
心穢行惡言淫形居食失節動出躁輕二神醜之不
匡人命飛廉伏女以裾襲人是走疰芒風瘍眩齟之
病失有意之醫照合神理無怕之醫身為慾使莫之
益傷之者至矣是以君子慎其微也

贈別楊盈川炯箴

杳杳深谷森森喬木天與之才或鮮其祿君服六藝
道德為尊君居百里風化之源才勿驕恠政勿苛煩
明神是福而小人無究畏其不畏存其不存作詰茲
酒成敗之根勒銘其口禍福之門雖有韶夏勿棄繫

轅豈無車馬敢贈一言

東山記

兵部尚書同中書門下三品修文館大李士常公體
舍真靜思協幽曠雖翊亮廊廟而緬懷林藪東山之
曲有別業焉嵐氣入野榛烟出俗石潭竹岸松齋藥
畹虹泉電射雲木虛吟惚恍疑夢間閑忘術茲所謂
丘壑夔龍衣冠巢許幸溫泉之歲也皇上聞而賞之
過舍掌舍設幣金吾劃次太官載酒奉常抱樂停輿
輦於青霽佇輦掄於紫氣者神朝于谷口千官飲乎
池上緹騎環山朱旆熠野縱觀空巷途歌傳壑是日
即席拜公逍遙公名其居曰清虛原幽棲容景移樂
極天子賦詩王后帝女宮嬪邦媛歌焉和焉以寵德

也加以中宮敦序謂我諸兄引內子於重惺見兒童
於行殿家人之禮優榮棣之詩作於是實其篋宮下
以昭忠信之獻貴其束帛上以示慈惠之恩朝野歡
并君臣義洽夫飛翠華歷茨嶺至道之主也紆紫綬
期赤松素履之輔也千載一時難乎此遇故兩曜合
含衆星聚德雅道光華高風亮塞寒谷煦景窮崖潤
色猗歟盛事振古未有篆之玄石貽代厥後

張說之文集卷第十三

張說之文集卷第十四

碑

刺史義陽王碑

祈國公碑

裴公神道碑

文貞公碑

贈陳州刺史義陽王碑

昔高祖之起唐侯華隋命太宗之威四海正萬邦作
藩帝家用建王國二十一族堯之昭也十有一宗文
之穆也王諱琮字某文帝之孫紀王之子龍種異氣
鳳毛秀色仁義天啓德威日就學無不究故齊王之
胤以爵推恩周公之子以才分政摠角封義陽王弱
冠拜歸州刺史又守檀州又撫沂州若教之舊荆人
是懲單于之衝胡馬自遠淮沂其義邦國不空遭王

運中微投於南海書稱大去憫失土之諸侯禮不逃
誅義無辜之王子某年月日遵大道酷吏薨於桂林
之野春秋五十神龍之初與廢繼絕追贈陳州刺史
王生不得志後受遺榮信乎才之短長不如禽之豐
約德之輕重不如藝之厚薄有美季子豫州刺史行
休髻髮羈孤託身炎厲貌是餘慶歸然獨存泣血上
請迎喪遠裏開元四年二月至桂州王同氣三人性
偕遇禍殞殮無主封樹缺如歲月茫茫盡為野草問
隣母而失處訪樵童而莫識議者以為不可復得宜
招魂而築行休拊心蒼昊誓不徒還乃掃亭館設地
席絮齋懇側覬手函報遂頻夜髻像曲示其端夢魯
王乘舟舟分為兩既而適野見東洲中斷因忽悟焉

陰隱微明率此類也又靈堂鏤莖一夕自屈管上有
三指凹迹一竒二並其傍鐵生文理布列成卦衆駭
其異使善易者張法著之曰屈者於文為尸出指者
於義為指蹤一竒二並三殞近闕若引涓山揆之可
以察先王之心矣考夢協卜定處尅辰以其月二十
八日於桂城東洲發見神柩舉體咸備而一節闕焉
行休甚痛惋若自甦裂其夜又夢王告在南洛州厥
明直舊殯而南十有九步沙洲痕下揜而得之安合
如故他日北郭之外收併二叔父焉於是乎驗著夢
之有徵也子牙三旒連舳歸飛遙遙百越經途膳歎
零桂人以為美談夫至孝潛通精魄昭應果虛無之
見推步而有必窈冥之体尋求而致雖前誌所詳未

有幽感反覆若斯之晰矣昭晰以某年月日陪葬於昭陵
栢城妃汝南周氏祔焉禮也妃考曰駙馬都尉梁郡
襄公妣曰臨川大長公主宗周玄胄大君自出左右
圖史循環法度邦有好逋室先偕老以王之故薨於
掖宮初永昌之難王下河南獄妃錄司農寺唯有芳
氏菲屨布衣往來供饋徒行頽色傷動人倫中外咨
嗟目為勤孝王二子配在雋州及六道使之用刑也
長曰行遠以冠就戮次曰行芳以童當捨芳啼踊抱
行乞代兄命既不見聽固求同厝西南傷之稱為死
悌君子謂勤孝者仁之厚也死悌者友之難也感神
者誠之至也此三者有以見義陽之義方賢妃之內
訓繼體之崇德夫如是淳美上歸乎本朝盛烈延耀

乎邦族安可闕而不飾碑版無文而已哉銘曰

高丘白雲維堯大理函谷紫氣維周柱史百代福流
千齡運起富有海內貴為天子聖帝才子於穆紀王
賢王祚胤倬哉義陽慎徽九德九德有常允鑒三郡
三郡以康明夷于飛丹崖之下梁木其壞桂林之野
不識阡陌無存松楸于以求之人無知者哀哀孝子
眷眷靈夢語妙常閣文微甄仲南洛占從東洲億中
舊窆移福新棺改贈既克返葬以祔山陵卜云其吉
神心允憑人非地是迹謝名稱青青松柏不顯不承

祈國公碑奉 勅撰

維天命帝子萬邦維坤配乾母萬物以親九族后父
之屬尊以叙百官開府之班寃執謙德而光重地者

則祈國其人也公諱仁皎字鳴鶴太原祈人王子公
賓天啓靈仙之族司徒衛漢大忠義之門盛德之後
仁賢繼出曾祖景孝隋屯田侍郎祖詮歙縣男贈分
州刺史考文洎贈右僕射績戎前列啓迪後人公之
生也膺汾霍之禎體龐之度禮樂狃於代襲忠孝戰
萌於自然克寬克恭不激不傲鑒窮未兆而養之以
蒙智周無際而處之以默故質勝於文行過於言其
隱德也三年不鳴其會時也一日千里初以翊衛調
同州參軍授晉州司兵應將即奉授甘泉府毅遷左
衛中郎將上昇春宮后正妃壺擢將作大匠事時符
工練八材孔脩轉太僕正卿駙訓車攻六飛如舞先
天內禪引伸外戚懷柔畏滿猷劇思閑公既深辭以

職事上亦優之以散秩加持進禮異群公拜開府儀
同三司榮上柱國封祈國公邑戶三千實賦三百公
於是寓情宴喜簡跡朝行入告嘉猷密而人莫窺也
陰薦多士晦而人莫知也不自異於當路每同塵於
衆流常語所親曰明明天子擇賢共理瓌瓌姻婭則
無媼仕不識不知樂我而已善矣夫人臣位極遇莫
大焉王曰外舅厚莫重焉而能明道若昧進道若退
事不事而縣解為不為而理會一以無目牛之全一
以無亢龍之悔所謂言合古行中權歟後之人慎終
始而保福祿者固將江通波而蹈高軌也享年六十
有九開元七年四月戊寅薨於京師皇上悼焉設次
大臨輟朝累日榮之以華袞寵之以飾終追贈太尉

益州大都督賜東園祕器浴褖贈錫率加常禮乃命
尚書彭城劉知柔攝大鴻臚俾之監護京兆少尹崔
琬介焉申命僭事南安侯龐承宗持節弔祭左庶子
自知慎悴焉公卿命士更弔迭喻溢巷填街為之編
素粵以十月初吉葬昭宣公群官執紼祖奠國門如
前會夫天作聖合必起大邦故軒妃美於西陵周婦
表於東海公藩衍之慶祚胤二十或哲或謀或肅或
艾永錫之類也如是元女祥發望雲業恭練石內被
鏤斯之德外偃閔睢之化門風之至也如彼長子惟
力戴君畢心禦侮奉雲雷之會懸日月之功遊訓之
致也如此高陽有才子八族我盈其二武王有理臣
十人家出其兩稽諸舊史罕或前聞若乃積三盛事

而重之以純德篆于金石垂于億萬宜哉其文字光
華撰錄知言要則皇帝所為也詞臣奉詔作之其銘

曰

於穆祁公	誕靈信厚	有倬其慶	天之外舅
高以卑牧	盈將冲守	忠焉孝手	沒而不朽
人之忠孝	其德不回	天俾純嘏	大福時來
貴踰九列	榮並三台	祚之玄社	帝曰欽哉
初公之德	柔嘉維則	令儀令色	小心翼翼
如何昊天	喪此邦式	休問其永	豐石是刻
我思肥泉	孝心罔極		

贈太尉裴公神道碑

星辰懸象所以殷時布氣然而行不言之道者天也

文武用才所以勤官定國然而收致無為之理者帝也當高宗之休運任名世之良臣清九流而闢四海代天工而張帝德歷選前哲豈多乎哉公諱行儉字約河東聞喜人也其先出乎嬴姓伯翳之後也秦則裴侯始封漢則侍中受職魏晉之代鬱為盛門八裴方於八王聲振每為三子尊為三祖望高士族自冀州刺史徽至公六葉代無違德不隕厥問者已大王父伯鳳周驃騎大將軍光汾二州刺史琅耶郡開國公太父定高大將軍馮翊郡守龔琅耶郡公諸侯受封山河傳國天子共理循良克家考仁基隋左光祿大夫以陰圖王克仗義舊主遭時不利玉折名揚聖唐隆興旌泝勵節贈原州都督命謚曰忠蓋春秋之

設之多方聞其無備裹糧十日執都支於帳前破竹一呼鉗遞匄於麾下華戎相慶立碑碎葉蓋美克雋不殺而用謀安人以德而去害廓氛祲於地表燁皇震於天外克國有屯田之頌實憲有燕山之銘詢茲遠略彼何微也遷禮部尚書加上柱國又持降恩命兼右衛大將軍夷典秩宗神必據我文昌有將天道存焉調露中單于可汗伏念外叛大鴻臚蕭嗣業喪律詔公為定襄道大總管軍至朔州斥候相接匈奴故態狃劫糧以餒師神將出奇張靈勢以陷敵乃偽為轉運伏其壯士示羸師以隱行援精騎以躡迹寇果大下援兵奔散驕虜益驚自為得色馭此車牛憇彼泉井於是箱中兵起十弩齊奔要路騎飛一息而

至群胡顛沛殺傷滿野從茲饋軍路無驚者觀夫大
漢無睨穹廬靡所_{潛使}之_{其利}外_{既入}豚捨之_{遂改}愚_{不委}費日老師兵
家_陰降狀公密上其事人莫知之及如其期舉國
歸附烟塵大起師徒惶惑公徐使令軍曰此是伏念
執溫傳來降非地寇也俄而街壁棘門釋縛納款帝
嘉厥勲命尚書崔知悌乘駟勞軍備禮獻凱榮勲定
日程務挺張虔勦者行軍之偏將也詐言子營逼逐
方降大軍又屬秉鈞忌才下上其手公曰雖不逮群
師之讓力猶耻二王之競功今而殺降後無來者乃
封開喜縣開國公而伏念溫傳皆戮都市是年也伏
念弟元珍權其餘種復叛則天稱制造正宿枉贈伏
念大僕卿程張諸家別故夷族君子以為神理之不

可誣也永淳元年詔公為金牙道大總管未行邁疾
四月二十八日薨於京師延壽里春秋六十有四長
子貞隱早卒嫡孫叅玄嗣封藐視諸孤哀哀童幼高
宗悼焉贈幽州都督賜凶儀還鄉喪葬官供禮部郎
中監護窆窆之數率禮有加別勅畱守委皇太子擇
六品京官一人檢校家事五六年間侍兒孫稍成長
日停龐極哀榮禮之厚者澤及存沒義莫重焉太常
議謚博古多能文武表式曰憲其十月葬我憲公於
聞喜之東良原禮也神龍中與朝思舊德贈公揚州
大都督開元孝享宰嗣延恩贈公太尉生不登乎台
階沒追位乎靈宰序四時於下地調三光於上天聖
人神教意在茲乎公志堅慮精神勇識澈藝必討本

學皆覩與又善測候雲物推步氣象鬼無遜謀靈不
歲用著文集二十卷造草字數千文皆實傳人間以
為世法又撰選譜十卷又為軍營行陣部衆料敵等
三十六訣大聖天后令祕書監武承嗣就家收進以
為祕術豈比馬卿浮華唯當封禪之草劉安虛誕空
傳鴻寶之書而已哉加以汲引沉淪推獎氣類虛懷
而襟帶不設孔亮而歲府洞開故虎旅雲從詞林響
應若毛羽之崇麟鳳衆川之長江河也在選曹見駱
賓王盧昭隣王勃楊炯評曰炯雖有才名不過令長
其餘華而不實鮮克令終見蘇味道王勣歎曰十數
年外當居衡石後各如其言其在軍麾擇帳下之士
則有張知運薛訥闞敬客甘元曠裴思諒王智方呂

休璟劉玄意引偏裨之將則有程務挺張勗王方翼
崔智瓘党金毗鄒待封等凡所進拔為名將此則
有道之人倫武侯之賞鑒也公之送波斯也入莫賀
延碛中遇風沙大起天地暝晦引導皆迷公因舍息
徒至誠虔禱徇於衆曰井泉不遠須臾風止氛開有
香泉豐草宛在營側後來之人莫其知處此乃取恭之
拜井商人之化城也公在禮闈勅賜善馬及寶鞍令
史奔馳馬倒鞍破懼而逃罪公使召之曰知汝誤耳
又平郵支遮旬大獲珍異首長將吏請遍觀焉有馬
腦大盤希代寶也隨軍王休烈捧盤跌倒應時而碎
叩頭流血惶怖請死公笑曰事有不意何至重玉而
害人手此又文饒之舍容邴吉之仁恕也公西擒郵

夫北降伏念前後錫馬五百匹僮二百人金銀器物
三千品錦罽織皮六百段公受置庭中旬日散盡此
又趙奢之待士田文之市義也若夫知人以為本感通
以為行善貸以為常散積以為樂古之文道者嘗從事
於斯矣公元夫人河南陸氏兵部侍郎爽之女也陸氏
卒繼室以華陽夫人庠狄氏有任姒之德班左之才
聖后臨朝召入宮闈拜為御正中宗踐祚歸奉私門
歲時致禮媼后補天進叅十亂少康嗣夏退協三從
晉朝公卿列拜虞譚之母周官音注近出常逞之家
皇上臨極勞求陰政再降綸言將留內輔夫人深戒
榮滿遠悟真筌固辭羸憊超謝塵俗每讀信行禪師
集錄永期遵奉開元五年四月二日歸真京邑其年

八月遷窆於終南山鷓鳴堆信行禪師靈塔之後古
不合葬魂無不之成遺志也叅玄官至涇鄧二州刺
史聿脩厥德人亡道存次子延休并州汶水令世載
文雄家傳草聖次子慶遠協律郎深達禮樂克和神
人咸負長才同淪短運李子光庭侍中兼吏部尚書
輔政邕熙致君堯舜孝理發乎陵廟仁澤遍乎松楸
是故妻以夫榮母以子貴尚書先贈方伯申命上公
夫人舊封華陽增號晉國詩云文武吉甫萬邦之憲上
公有焉又曰彼美孟姜德音不忘小君有焉孝經云
立身行道以顯父母侍中有焉合三德而為家橫百
世而濟美信可以言時稱代鏤石刊金者歟神道前
銘薛令所撰且有後舍婢余係述焉遷世家益孟堅

之一傳劉寬表墓墓並伯喈之兩碑報德教忠俱傳不朽銘曰

天生亞聖 祚此王國 文綜九流 武參七德

柔遠服叛 窮西盡此 赫我皇靈 去其蟲賊

仁則不遠 智何不周 如山之峻 如川之流

術與神合 藝將道遊 書來懸帳 賦出登樓

司馬軍陣 官人綱紀 帝嘉常伯 國于聞喜

室家令妻 家成克子 社金傳世 桓珪守祀

神為上台 永介邦社 社

故開府儀同三司上柱國贈揚州刺史大都

督梁國文貞公碑奉 勅撰

叙曰八柱承天高明之位定四時成歲亭育之功存

畫為九州禹也堯享鴻名播時百穀棄也舜稱至德

由此言之知人則哲非賢罔又致君堯舜何代無人

有唐元宰曰梁文貞公者位為帝之四輔才為國之

六期言為代之軌物行為人之師表蓋維嶽降神應

時間出者也公諱崇字元之姚姓有虞之後遠自吳

興近徙于陝今家洛陽焉烈考長沙文獻公樹勲王

室建興舊府公紈綺而孤克廣前業激昂成季榮問

日流武庫則牙戟森然文房則禮樂盡在弱冠補孝

敬稅郎又制奉高弟歷佐滌鄭並有聲華入為司刑

承天授之際獄吏峻密公持法無頗全活者眾進夏

官負外郎即中侍郎朝庭日能遂掌軍國遷鳳閣侍

郎監修國史始則天人讓王承置醴之顧終以飛龍

利見延駭秉之恩自時厥後恒當大任凡三處兵部
尚書三入中書令一為禮部尚書左庶子又肅政大夫
總驪武軍兵馬又司僕卿知隴右監牧使出典毫宋
常越許申徐潞揚同十郡景雲初以蕃邸舊寮封梁
國公食賦百室公性仁恕行簡易虛懷汎愛而涇渭
不雜真率徑尽而應變無窮常推是心以御於物故
所蒞必吐庶風偃鰲狼化後言不勵而教成政不威
而事理去思覩頌來暮聞歌既登邦政卒乘輯睦及
在宗伯神人允諧今之中書是為理本謀事無於百
揆論道摠於三台公執國之鈞金玉王度大渾順序
休徵來臻懋德格天名遂身遜拜開府儀同三司崇
其秩逸其志也初太夫人在堂公授任西掖頗限局

禁求侍晨昏優詔既許尋令還職公固請以泣制曰
家有令弟足慰母心國有棟臣安可暫闕其後剖符
江表敦諭起復表麻外墨藥棘內毀變禮中推通識
所貴神龍之首與聞興復疇其井賦累讓而停夫以
華故鼎新大來小往得喪而不形於色進退而不失
其正者鮮矣君子曰忠不忘親仁也哀不違事義也
讓功辭邑禮也濟代全名智也仁以長人義以和下
禮以安上智以周身宜其光輔四帝軒冕三紀池臺
琴筑優游暮齒傳爵土於祚胤保祿位於終始矣享
年七十有一開元九年九月寢疾薨東都之慈惠里
皇上悼焉國人慕焉撫牀輟春曾未云比制贈揚州
大都督謚曰文貞禮也十年二月葬於萬安山之南

原在疾也王人賜膳御藥視醫于薨也中使弔臨羽
儀哀送君臣之義厚真重焉子异奕思綴遺美以寘
罔極有詔掌文之官叙事盛德之老銘功將以寵宗
臣揚英烈帝乃灑恩仙翰鏤澤豐砥日月照臨於佳
城相雲變態於神道寶其文字別為群玉之山禁其
樵蘇即表三司之墓銘曰

源深自雲 派別從吳 避地魯陝 居家洛都
神明遠契 岳續冥符 翊聖斯偶 生賢不孤
仁將勇濟 孝與忠俱 李仞攢植 文鋒迅驅
終安卑位 即騁長途 唯實唯有 若虛若無
再三軍國 一二訂謨 戎柄尤重 王綸最樞
兼司任切 久政榮殊 黼蓀彌煥 丹青靡渝

以寬容物

以鑒分區

外或形放

中怕礼拘

箴難誠口

諍亦忘軀

但覩渾璞

誰詳瑾瑜

伊咎尺寸

雷樂錙銖

名正身遂

言誠願孚

方辭漢祿

更辱齊組

既積而散

窮歡盡娛

川歸東極

日止西晡

上惻旒宸

旁悲路衢

藍田美玉

荔浦明珠

載廣休慶

爰彌典謨

豐碑乃立

盛業其鋪

帝念頻軫

仙毫特紆

鑄金刻石

鳳篆龍圖

七耀光動

三泉澤濡

銓能叙事

理鬱詞敷

求舊銘寶

慙彈惡蕪

緬思雲霧

尚想江湖

有道之德

其何以踰

延陵之墓

空此嗚呼

有沒終始

遐哉邀乎

唐故太子少傅蘇公碑銘 盧巖用撰序不錄

蘇公成碑

斤斤蘇公	體正含道	稟靈淳粹	為唐元老
忠以衛主	孝以立身	文以經國	惠以安人
司牧九郡	九郡爰靜	平章百工	百工爰整
千載典憲	三朝綱領	上纂先人	五代相國
下垂餘慶	七子令德	帝謂庭碩	伊公是似
接待玉墀	序拜金階	聯華疊潤	佐我天子
於戲被蒼	國幹云亡	地類五嶽	天坼三光
備禮詔葬	群官會喪	掌史司德	刊銘路傍
			卷終

張說之文集卷第十五表

請封太山表

請置此田表

賀太陽不虧表

請許王公百官封太山表并批卷

請為千秋節表

禮儀使賀祥瑞表

賀大衍曆表

臣說等言臣聞聖人者與天地合德故珍符休命不可得而辭鳴石盛典不可得而讓陛下功格上天澤流厚載三五之盛莫能以崇登封告成理協幽贊故符瑞必臻天意也書執大同事也菽粟屢登和平也刑罰不用至理也今陛下稽天意以固辭違人事以久讓是和平而不崇昭報至理而闕薦祖宗億兆之

情猶知不可况上帝臨照祖宗顧謨其可止乎願納
王公卿士列岳播紳之衆望迴命有司速定大典臣
不勝懇禱敢昧死再拜

朕以眇身欽承丕業十餘載矣夙夜兢惕常以至道
未暢元元未安上累先聖之心下受萬方之責何敢
議封禪躡岱宗乎今群官所奏靈符歲稔戎狄向風
盖上天降休宗廟垂福豈朕薄德冒以當仁然天休
不敢不答廟祐不敢不報王公衆望不可固違將以
蒙福謝誠非以成功類帝輒用忘忌祗遂群心

請八月五日為千秋節表并教旨

左丞相臣說右丞相臣環等言臣聞聖人出則日月記
其初王澤深則風俗傳其後故少昊著流虹之感商

湯本玄鳥之命孟夏有佛生之供仲春脩道祖之錄
追姑尋源其義一也伏惟開元神武皇帝陛下二氣
舍神九龍浴聖清明摠於玉靈爽朗冠於金天月惟
仲秋日在端五恒星不見之夜祥光照室之朝群臣
相賀誕聖之辰也焉可不以為嘉節乎比夫曲水禊
亭重陽射圃五日絲綉七夕粉筵豈同年而語也臣
不勝大願以八月五日為千秋節著之甲令布於四
方群臣以是日獻甘露醇酎上萬歲壽酒王公戚里
進金鏡緩帶士庶以結絲承露囊更相遺問村杜作
壽酒宴樂名賽白帝報田神上明玄天光啓大聖下
彰皇化垂裕無窮異域占風同見美俗勅旨凡是節
日或以天氣推移或因人事表紀八月五日朕生

辰感先聖之慶靈荷皇天之眷命卿等請為今節上
獻嘉名勝地良遊清秋高興百穀豐熟萬實已成自
我作古舉無越禮朝野同歡足為美事依卿來請宜
付所司

請置屯田表

臣說言臣聞求人安者莫過於足食求國富者莫先
於疾耕臣再任河北備知川澤竊見漳水可以灌巨
野淇水所可以漑湯陰若開屯田不減萬頃化萑蒿為
秔稻變斥鹵為膏腴用力非多為利甚博諺云歲在
申酉乞漿得酒來歲甫爾春事方興願陛下不失天
時急趨地利上可以豐國下可以康邊河漕通流易
於轉運此百代之利也當今國儲未息靜人業農願

留聖意亦嘗賜前階之食承後騎之願竟唯唯而無
一言者豈敢隱情於聖主也正以職在伏衛憂於部
五馬上非公議之所囿遊非朝廷之事今昧死上愚
見乞大臣籌謀速下河北支度及溝渠使檢料施功
不後農節謹奉表以聞謹言

禮儀使賀五陵祥瑞表并卷制

右臣等伏以陛下孝通天地親朝五陵拜橋陵則紫
氣見獲白兔甘露降白鶴巢天光清和日色明朗拜
定陵則有景雲見甘露降拜獻陵則甘露被樹祥雲
抱日拜昭陵則先聖見於神遊薦享之際陛下親聞
刻息初進服用樂器自然芬馨又素像迴面甘露降
滋後祀先臣歷聞蹈舞拜乾陵則有靈草生甘露降

日抱戴之瑞此皆陛下虔誠上感神靈福降四海同
歡萬方抃躍臣等幸陪大禮親覩禎祥無任大慶之
至謹奉表陳賀以聞臣說謹言

朝拜園陵聲申精到深懼靈昧未感靈心今嘉瑞來
臻神無譴怒欽承祥祉兢慶無懷儒林史官當貴朝
典集賢院賀太陽不虧表并奏制

太史奏太陽不虧聖德上感變災為瑞陽光增輝陰
慝不作休徵之美莫盛於斯臣等無任欣抃之至謹
進狀陳賀以聞謹進

彼日而餽詩人所醜應虧不變轉異為臧未知天意
降休將或疇人未洽媿無一言之善而同三舍之慶
循省來章用增勵惕

賀大衍曆表

臣說言伏以開元大衍曆天旨裁其紀綱日官考其
精要履端更始敬授惟新加以辨五行之序推七精
之數明徵聖期實光土德臣又見梁天監中陶弘景
著玉璽記云盛德木子以肇來運頃者僧一行璿衡
曆得皇家天命成數千年古今祥兆若合符契曆數
既在於聖躬卜年又表於長曆莫大之慶獨冠前王
臣忝跡儒林預聞昌運無任抃躍之至謹奉表陳賀
以聞

張說之文集卷第十六

碑銘

王公神道碑

冉府君神道碑

馮府君神道碑

唐故夏州都督太原王公神道碑

安公碑銘

華州楊君碑

良玉禮神用之西序之器捨之南山之璞罔然不有其珍也君子安命進之扞城之雄退之去國之老隤然不失其正也語夫仗運以行道屬辭以比德亦何代無其人哉公諱方翼字仲翔太原祁人王周之後也王子以敗秋受姓徵君以遯世為名司徒之濟艱難義形漢室太尉之圖璣中心尽魏朝聞蔣濟所言

則知尚書志力兄弟繼美覽周書所載則見穎川忠
烈子姪皆封臣節奮揚於百代家聲籍甚於四海大
王父司徒定公秉隋氏之崇也王父駙馬開府文公
裕先朝之懿也考特進慎公仁表皇室之甥也公門
搃四岳之靈帝子分五潢之氣是生時傑鬱為仁紀
公雄姿沉毅凜難犯之色靈懷信厚坦招納之量識
略精斷達應變之權神守密靜堅不奪之節孝友內
於克懷忠敬外灼於既冠加以思睿造化誠合鬼神
文其詩書武其韻志推此才也以後政焉求無墮矣
夙遭家艱哀過柴瘁京師號曰孝童王母同安長公
主引肯遊之誠示其苦端今太夫人徒居郿墅儲無
斗粟庇無天椽公躬率庸保肆勤給養懇山出田燎

松鷲墨一年而良疇子畝二年而厦屋百間五年則
日舉壽觴馱珍膳笑處約能久不亦仁乎在困能享
不亦智乎永徽初始宰安定誅豪暴以育人察姦宄
以申鬼異政舉清風一變除澣海都護府司馬以母
疾辭職為姜恪乘便遂從朔州尚德府果毅歲餘王
本立上書理公國之悖老不宜擯抑有詔徵還而親
不持心與哀絕柔屬禮存詔御醫孟默朝夕詠視免
喪逾年僅堪履立樂成公東討新羅薦為將師詔公
持節雜林道搃管軍停不行授沙州刺史未至
改拜肅州以為慢防啓寇非重閉也乃大築雉堞嚴
備櫓械人知有恃戒亦來威儀鳳歲河西尺蝗獨不
入境隣郡湊稔提挈如雲公傾私泉以資之引激水

以立礎奉火百竈日舖千人遂有芝草藟生豐年屢
降人^{威房}之^詔德^刊石存焉裴吏部名立波斯實取遮匄
偉公^為波斯軍副使兼安西都護以都護杜懷寶為
庭州刺史公城碎葉街郭廸玄夷夏縱觀莫究端倪
三十六番承風謁賀自汨汗海東肅如也無何詔公
為庭州刺史以波斯使領金山都護前使杜懷寶更
統安西鎮守碎葉朝廷始以鎮不寧蕃故授公代寶
人以求不失鎮復命寶代公夫然有以見諸蕃之心
搖矣於是車簿啜首唱寇兵群蕃響應蝟毛而豎公
在磧西捷無虛歲感車簿於弓月陷咽麴於熱海剿
叛徒三千於麾下走烏鵲十萬於域外皆以少復眾
以誠動天葛水暴長祭撤而三年涉渡葉河無舟兵

叩而七月水合出是士卒益勇我秋益思下書
皇靈遠燦遷夏州都督徵詣奉天宮熱海之後流矢

貫臂陣血染袖事等殷輪帝顧而問之視瘡歎曰
為國致身乃吾親也妖賊白鐵子據城手以反奉詔
與程務挺討擒之善公有發石壞城之計反風焚柵
之感封太原郡公元珍寇邊受命討擊公以無甲乃
發思造六片木排袴開鈕解合盡為虎文北至開光
與虜合戰若駘猛獸蒙臯比之莫敵也故馬奔駭獲
其二啜桑乾舍利两部來降初公善書與魏叔琬相
輦工射與趙持滿齊名帝每矚之賜比鳴輦賞深懸
帳嘗獨行入夜有怪人長丈直來趨逼射而仆焉乃
朽木也太宗壯之授右千牛及特滿伏法暴骸公哀
而收葬為執金吾奏初高宗義之釋而不罪履道坦

坦多如此類適將任帝嬖龍為國方虎天下膏潤羣
生雲雨惜哉不取情焉違侮嗣聖之際太后臨朝有
凶人誣奏公廢后從兄常懷怏怏司刑御史侮文矯
制不名苛法遷於崖州路至衡山寢疾捐館春秋六
十有三岳拱三年閏正月十九日葬于咸陽原君子
曰斯才也斯望也難乎免于斯之代也周公聖而謗
屈平賢而放賈誼才而謫李廣勞而喪彼天命之純
紛此人情之惆悵神龍中興以陷酷吏例復官爵孝
為人極忠為令德神之聽之始枉終直信矣有子故光
祿少卿璵今秘書監珣皆篤行純孝慎終思遠說少
也藹會友昇堂今老矣豈能文旌墓遷司漢籍感激
論都尉之書邕叙彪情追美樹楊公之碣銘曰

上德惟公 氣秀才傑 孝弘世美 忠廣前列

日月心照 江河思決 難地必通 暗機先徹

卓犖文藝 崢嶸武節 歎由宰邑 借恂臨郡

海女避途 山地可間 師律三總 軍聲六振

銳氣入營 長雲出陣 肅將國威 烜赫天外

王弩方擊 雲旗卷旆 天道茫茫 自古多傷

功存西域 身棄南荒 易叢中路 懸棺反藏

寶刃生初 玉珩無光 後有才子 先賢不忘

河西節度副大使安公碑銘并序

公諱忠敬字某武威人也軒轅帝孫降居弱水安息
王子以國為姓世高之遠漢季自河南而適遼東高
陽之受魏封由陰山而宅涼士高陽王同生尚書左

僕射河間公原晤真河間生建節將軍西平公顯從
正西平生龍驤將軍黃門侍郎廣宗侯薛瞻微累葉
動華載於魏史高祖何臧器廣宗之子也周開府儀
同三司寧遠將軍肅州刺史張掖郡公曾祖羅方大
隋開府儀同三司皇朝贈石州刺史貴鄉公祖興貴
右武侯大將軍涼州刺史徙封榮涼歸三國公考文
生不仕涼公皇運經綸首乎李執大率河隍之地遠
通城郭之國寵錫蕃庶冠絕芻蕘水出滄江之神文
馬者二千乘山得崆峒之武朱輪者四十人公育榮
盛之門鬱豪爽之氣孝友天至清華玉立幼聚童兒
必為軍陣之戲長交英俊唯談韜略之書始以良家
子僕射常公待價引於帳下安息軍建奇績解褐授

遊擊將軍臨洮府右果毅復以善部統御史大夫唐
公休璟處之前鋒洪源谷立異効遷右威衛翊府右
郎將兼新泉軍使進本衛中郎將赤水軍副使兼赤
水新泉兩軍監牧使改會州刺史營田使擢松州都
督防禦使遷左司禦率兼河西節度副大使臨洮軍
使轉鄯州都督使如故其在軍州傾心下士視人如
子無約而親附不言而條理其在農牧大田多稼如
茨如梁思馬斯才有驕有皇輸力四朝歷官三紀名
叅禁衛身任壇場以靜摠繁以逸待寇我無亡鏃之
費敵有不戰之屈咨所謂一方之干城者也享年六
十有六開元十四年十一月二十八日寢疾終位知
與不知莫不隕涕十五年某月葬於烏城之南志公

卿祔先塋也公寬以御衆卑以自牧直而無訐廉而無劇朋友不聞臧否之言家人不見喜愠之色加之心淨三業躬勤八戒推是而不行何往不濟初甘州有舍利沙多禪師道場之四果也嘗云檀越德充於內神護於外雖冒鋒鏑永無害也及百戰之後啓手歸全西州士人聞之激厲有子仲璋如璋季璋全璋重璋庭襲芝蘭喪過藥棘敬奉窀穸備禮儀於文武撰述家風刻功名於金石詞曰

玉關氣爽金波秋澈涼野蕭條寒山積雪授靈產義精勁才傑孝固純深忠惟剛烈負羽從軍奮飛青雲麾幢按部惠流時雨揔軍挾郡入文出武三十年間式遏戎虜壇場務靜非公莫鎮金鼓氣雄非公莫震

神山與缺龍池取駿霹靂陷營衝風入陣勇將知時仁兵善持反耕去戟王者之師牧馬如雲屯庾如坻西軍方壯東首長辭振古同嗟沒而不死所謂明德永傳神理鍾鼎題門珠玉名子信言豐石令問不已

河州刺史冉府君神道碑

昔者堯舜既沒文武將墜天縱孔聖誕敷皇極於是乎恢六藝而正王道舉十哲而闡微言雍也為德行之目求也為政事之首吾見乎龍翰鳳鷁百世而共貫虎符犀節重世而增華明德之後知其必大公諱寔字茂實其魯國鄒人也古天子有相氏宅于相土實曰冉姓蓋氏族之興舊矣不常厥所今為河南人焉五代祖睢陽公諱道周尚齊南康公主位平南將

軍散騎常侍荊州刺史信州都督高祖軫仕梁太子
漢宜之大魯父義城公黎在梁雲麾將軍湖州刺史
入周拜驃騎開府儀同至隋開皇中為旭州刺史大
父黃國莊公諱安昌隋啓平城祚之毅璧唐分蜀國
瑞以桓珪其後改封於黃授信用刺史歷潭州摠管
贈夔州都督烈考天水郡果公諱仁才秩金紫光祿
大夫婚皇室漢南縣主經浦澧袁江陵永夙大州刺
史偉矣哉承家善慶歷代名臣風流載於史官勲業
藏於王府公果公季子天王自出內稟胎教混成之
姿外被門風式瞻之訓從容合度造次皆法生而知
之孝悌也學而知之禮樂也德義如山文章如泉播
紳之士仰焉宗焉弱冠文學生進士擢第遭家不造

祜計偕入朝侍宴於長壽殿上謂公曰河州軍嶺要
衝屯田最多卿以是食為心朕無西顧之憂侑以彩
幣錫以文衮及公還州地墾書勞勉王人相繼國家
徑流沙梁弱水收西城護南庭連百萬之兵以濟事
於外不一日而乏者則公之力也無驗入極可謂質
序文勝之杜預平矣蓋知羊叔子功爾宜登元老作
貳天朝止于邊服實孤人望享年七十有一證聖元
年一月十日寢疾終於官舍天子悼焉凶費喪歸悉
命官給是日河隍耆老山谷羗夷反首勢面號奔州
父母及其沒也哀亦如之信矣太夫人金成郡君隴
西李氏江夏王道宗之女也宜此象服爛其盈門嗣先
姑之徽音立度姬之範則薜華前落藁瘞成隅以證

聖二年正月合葬於河南定鼎原禮也天使焉悲啓
滕公之室人看鶴舞閉王母之墳松栢接於印山丘
陵對於伊闕石麟將闕華表何年有子曰祖雍景龍
初擢給事中兼侍御史內供奉追惟皇考孝子奉親
忠于事君恭于立身惠于臨人愬是四行旁通具美
貽厥孫謀以宴翼子故老之口既絕竹帛之文又滅
揚名兮柰何利石兮來裔其詞曰

倬哉冉氏世有仲弓鐵冠繡服給事于中克昭遺懿樹
之家風於皇嚴考高明有融德罔不尊藝何不涉嗣
武先正思文載協建旗千里逮君六葉龜顧印房地
盤綬篋官以勤積業因時峻宰號神明掾稱親信驥
足既展熊軒亦軻邦國海康京師河潤出車西域我

君謀之屯田北假我君獲之六軍有饋其誰度之一
人無憂其誰樂之猛獸避德均遷所莅靈鳥依仁霸
昇執事以今視古名齊績類天不慙遺山頽北位隴
首迴望秦川斷腸吏人攀縵哀鴈隨喪虛靈冀野行
臨惟堂廟立邊郡魂歸故鄉王姬祔葬禮之終也水
合蛟龍墳同石馬地積霜露烟攢松楸千載九原高
碑淚下

贈華州刺史楊君碑

公諱至誠字某弘農華陰人也厥初生人為姬伯之
祖同邑命氏有楊侯之胤其後東陵奮而開國西漢
盛而移閔門廬隱隱亘連桃塞之上碑闕崑崙蔽滿
華山之下明德之後士有人焉大王父隋直閭將軍

岷蔚撫豪道五州刺史刑國公諱貴大父故右衛副
率慈汾二州刺史邢國公諱貴大父故右衛率慈汾靜公諱
譽考故常州刺史工部侍郎鴻臚卿金紫光祿大夫
散騎常侍太子少師贈儀同三司上柱國鄭國懿公
諱崇敬若夫家聲代業累德積仁故以克隆前統光
啓來葉矣公稟純嘏之粹靈漸軌物之名教端操以
正已崇讓以與人勵精以探道善問以毓德學無不
達藝無不周成童有傾矚之望既冠爲宗匠之表年
十三調太常挽郎尋補潞王典籤大夫門子執紼橋
山王國詞人曳裾睢苑皆一時之選也明慶中詔郡
國舉賢良公對策天朝無能出其右者遷太子通事
舍人再舉高第徙國子監丞坊監清流才地兼擇東

朝束帶銀榜增華西序漂纓環林益閏高宗接千歲
之統嗣百王之業封岱岳禪云亭稽千舊章俟茲通
博乃徐公禮部員外郎祀事克明大典攸序建邦分
職得人者昌吏曹居六官之首求郎盡一臺之妙又
轉公吏部員外郎准的文昌羽儀丹地丁太夫人憂
去職公至行純篤幾於滅性雖杖經外除而柴瘠加
等門人記其喪禮天子憂其死孝服常授幽州三水
令曳尚方之舄鳴單父之琴志道不矜其大才勒政
無陋其小邑美聲流於幽籥惠化匝於周原又應文
擅詞場舉策試天下第一陳聖謩啓沃明主究天人
之際建皇道之極如有用我者其爲東周乎朝廷納
賈生之言排汲直於外拜公隴州司馬未及赴官遘

疾卒於長安第春秋若于王祥未施於邦正陳寔近
終於邑長位不克德其如命何神龍初中宗克復丕
業格于文祖迺睠從臣緬懷先正以公二子在章綬
之列追贈公使持節太州諸軍事太州刺史非夫立
言不朽陰德陽報安有貌諸孤而降既沒世而榮號
哉夫人天水趙氏殿中監武強公某之女也受訓公
宮作合君子言容賁於國史德行循於法度六姻之
內宗焉始有輔佐之力卒延門戶之寄初公之捐館
也九子呱呱裋裋喪位賴夫人是顧是復日就月將
徙宅依仁闔門成訓三十年內八子登朝廷競虎綬
之華門接魚軒之軫某年月日封梁國太夫人景龍
二年五月七日終於長安之延壽里間遂遭家遷播

几筵靡託而今蒙國昭洗情禮獲申以先天元年十
月二十五日合葬於少陵原禮也第二第三子夫人
在堂而沒長子第八子在殯而云今並列於塋地用
嘉魂魄長子故兵部郎中徵中子前武衛將軍泚永
懷徽烈思勤銘頌郎中昔嘗緒言意感延州之許將
軍令復哀託情深舊館之悲高跡難名短詞莫逮採
諸故老恭存梗槩其詞曰

昂昂揚君秉心泉懿大河靈岳含光毓粹學妙妍精
文道逸思行為時範言為故事存蘊令德沒揚虛位
善慶克家哀榮乃備嗣姑稱姒敬妻曰冀復有母儀
千載一致貞墳土壟同封此地芳烈悠哉金生碑字
贈廣州大都督馮府君神道碑

夫積德垂禧之謂仁追遠揚名之謂孝仁則慶鍾厥後
孝則榮及其親嘗三復於斯言今於馮君而見之矣
府君諱君衡其先長樂人也釋趙歸秦本家上黨分
燕徒越又據高良自遠祖宗懷化侯業業以至于大
父贈荊州都督益先考高州使君智戡威以動績建
旗本郡甲兵雄於一方政化沓於千里君蘊含弘光
大之德守冲默安貞之志秉難進易退之操詣希声
若訥之道爲而不有故物譽難得而稱靜以居常故世
榮無由而及以聖曆之歲終于本城子幼家艱喪禮
蓋闕夫人麥氏備母師之六行履先姑之四德處順
思柔以成婦道及衛亡共伯而魯重敬姜誓以汎舟
之詩遵其闔門之禮季子今冠軍大將軍右監門衛

大將軍上柱國渤海郡開國公力士始自齟齬耒儀
上京既違徙宅之歡爰從倍年之訓感三州之深義
易百代之因生捨馮亭之本枝從高僕之令族千秋
仕漢遂去田宗隋會在秦別爲劉氏遇風雲之感會
承日月之光輝茅土荅其勲庸貂璫寵其忠信太夫
人踰越嶺嶠就養高堂孝子展白華之勤慈母欣綵
衣之貴精誠所感振古難儔噫歎資孝爲忠隱心後
動引桑霍之深誠慕金張之周密敬以衛主愛以安
親而善不彰官不遂者宋之有也由斯言之則哀樂
存乎心不以至音改禍福惟所召不以偏覆及詩云
魯侯燕喜令妻壽母明神勞善人而壽其母也夫人
以開元十七年享年八十有七五月十二日壽終于

京兆之來庭里舍天子悼先賢之晦德嘉侍臣之克
孝思贈槨之未崇創窀穸之將及於是詔贈先府君
潘州刺史備禮飾終招魂合葬是歲也大享宗廟偏
謁園陵錫類之恩施于卿士重贈府君使持節都督
廣韶循康等一十六州諸軍事廣州大都督夫人受
邑舊邦啓號南海從夫加贈改封越國夫人哀榮備
于始終寵光洽于中外為子之道何以加焉於是與
兄左衛中候元璉左領軍衛即將元珪等惟舊業之
難名感新恩之存及思建碑表以永芬芳夫毓至德
以庇後嗣仁之厚者也揚令名以崇祖考孝之大者
也仁為五常之先孝實百行之首貫經教而莫比標
人倫而獨出宜其鏤美金石式旌墳塋無忘清徽昭

示來葉何必會稽江上獨有紀孝之碑安陵廟前空
傳尚德之頌其詞曰
明珠紫貝產於南國代所珍兮允矣君子不耀其德
克全真芳慶流我後高驥迥翥中貴臣兮朱轡象服
寵及泉路蒙其親兮孝道不墮勒銘表墓留芳塵兮

張說之文集卷第十六

張說之文集卷第十七

碑

都督郭君碑

王氏神道碑

撥川郡王碑

唐故高內侍碑

大周楊君碑

左果毅葛公碑

贈涼州都督上柱國太原郡開國公郭君碑

奉勅撰

四時平分清秋之氣勁五方異俗崆峒之人武故隴
土多豪山岍出將其有雲龍感召星象特生金鼓登
壇隱如敵國麾幢指塞自比長城得之於太原公矣公
諱知運字逢時其先太原著姓今則晉昌人也本乎
文王之第是為虢叔虢或云郭因而氏焉自燕昭尊

隗以築宮漢祖封亭以列國其侯于陽曲宅彼太原
舊矣亭之玄孫友從大原徙隴西昭帝分隴西置西
平郭氏又為郡之右族友之昆孫武威太守憲憲之
猶子散騎常侍芝俱有名跡見於魏晉則晉昌諸宗
散騎之後也爾乃一門連譽時人號曰三儒四海齊
名天下謂之八顧光祿派分於馮翊廷尉世茂於潁
川孝則天錫釜金忠則帝章冕服仁則獸猛不害信
則童兒不欺豈直介休見有道之碑洛陽聞立德之
傳而已曾祖欽瓜州大黃府統軍上柱國祖才朝議
郎瓜州常樂縣令上柱國父師朝散大夫上柱國贈
伊州刺史積鹵之地戎馬生交業戰鬪而弘勲任州
縣而為達啓莫京之繇福不在於其身積無聲之善

視猶父乎皇帝閔焉詔贈涼州都督米粟五百石錦
帛五百段命都水使者張景供備物護葬遵朝典也
惟公氣猛而性和量寬而精銳沉謀可以掩蓋蔡雄
斷可以奪鬼神敬常糟粕韜鈴芻狗風角然其樹恩
結信立威用武烜赫如風濤震盪如雷雨戰必克攻
必取每有奏謁帝時稱歎孝文之得魏尚虜不足憂
太祖之見郭嘉知成吾事前後錫錦衣寶帶文馬素
女爛其盈門長鳴在廐感知已之主陳必死之力皇
情西顧則九羌豐鼓詔書北代則六狄焚旗上成聖
君之玄鑒下効武臣之素節其竟也如此夫為人子
立廟致敬祖考來格不亦孝乎為人臣恢疆禦侮以
勞定國不亦忠乎若然者歸義方於先人揚令名於

後代可也嗣子英傑起復定遠將軍左領軍衛翊府
中郎將假紫服金章河西節度副大使英奇朝散大
夫前尚輦奉御英協遊擊將軍前京兆府勵行府右
果毅都尉英彥朝議郎前左衛胄曹參軍等咸善居
喪而過哀或從王事而奪禮則知辛賢父子繼位將
軍祭彤兄弟並參師律去卒不戀達也而新是謀權
也嘉此武功創其宅兆以十年七月葬我太原夫人
燉煌索氏柎焉禮也皇上念功以惜逝厚終以遇存
有詔詞人為其碑志介士送葬即封征虜之墳單于
入朝當祭度遼之墓銘曰
旤旤將軍 雄略冠群 平西征北 震戎疊獯
亭障卧鼓 屯田饋軍 伏此白刃 致彼青雲

郭侯宴喜 既多受祉 玄牡獻衣 清廟蠲祀
鼎食金奏 炮鼈膾鯉 既來不庭 有嚴天子
流沙博望 羽林飛騎 河曲迴兵 臨洮舊隄
手握金節 魂沉玉帳 千里送喪 三軍悽愴
詔葬禮崇 恩碑義豐 生為神將 死為鬼雄
身世一滅 榮華萬空 祁連之墓 長旌武功

右羽林大將軍王氏神道碑奉 勅撰

維大唐開元十五年閏九月二十三日庚申判涼州
都督上柱國晉昌伯堯于鞏筆亭故也夫事君効命
之謂忠殺敵榮親之謂勇于星龍表月之謂氣逐日拔
山之謂力有一於此名猶蓋世矧兼其四何人間焉
是晉昌所以錯落將星崢嶸山冢者也公諱堯字威

明瓜州常樂人也父壽因公建績致位九卿臨難守
死褒贈特進審塞翁之倚伏達矇眊之浮休老而益
壯沒而立名者矣公威聲發於雷泉武毅標於岷嶺
小頭銳上猿臂虬鬚龍劍淮百勝之鋒蛇矛得萬人
之敵拔自行陣果有呂蒙之才拜於壇場不無韓信
之用始仕鎮成歷班外府反卽將中卽至軍副率雖
驟移官守而恒在壇場郭知運推轂河源握符隴右
公未登一命事主將之旌麾不出十年代揔戎之節
鉞慷慨之士以為美談於是自驍衛將軍遷羽林太
將軍既督右兼統河曲綰塞垣之十軍佩節制之兩
印大田多稼屯廩百億鬼乘籍馬而鐵騎數萬迺蹈
赤山焚芻幕獵清海駟犂牛喑鳴則七戎僻易烜赫

則千里震動亭候恃其長城廟堂賴其神將月獻戎
捷歲行軍賞王侯無種屠狗起於將軍戰伐有功爛
羊超於都尉前後翻飛幕下奮躍行間跨軍典郡腰
金劔玉者數王百人矣每至入朝奏謁升殿論邊山
川險易立成於聚米攻守方略一決於前籌遙詔置
兵先合漢光之旨新書從事暗同魏武之心故得延
譽上騰風雲鬱其氣色恩榮下沓日月供其輝光當
斯時也躊躇攘被三垂可以氣豎百蠻可以力制卽
叙者老生之常談和親者豎儒之怯計安足為神武
非常之主道哉誓請先收犬戎次擊獯鬻盡區域於
西海闢郡縣於北荒焯皇靈於天外圖壯節於雲閣
其事如果曠古未儔惟君知臣保斯言之可復何神

與善負厥志而無成是秋八月吐蕃犯邊瓜州失守盜憎吾將執致其親公以為背父立威非孝也頓兵從敵非忠也大義逼而志家方寸亂而供國其定計也成列而出討賊盡狄而退殺身忠在孝先將之道也公馳馱要謀而迴紇內叛以八九之從人當數百之強虜然猶虓噉擊射殺傷略半亭孤兵盡流矢橫及所謂仆而餘威折而不撓矣嗟乎嘗膽之憤空結噉肝之怨莫讎天子聞之黯然而歎人言以命許國夫豈忘其言哉苟收必死之忠焉問不虞之過至夫蓋聖主推仁恕於天下懸大信於後人愛歆其生懲晉侯再克之喜惡傷其沒抱秦伯猶用之誠婉獨見之端豈常情所逮謀臣飲恩於望表猛將感德於事

外然後任人之固衆可知也乃下詔追贈荊州大都督禮命窀穸加常二等死事之經也公之伉儷曰武威郡夫人夏氏韓毋築城之智孟光舉臼之材拔棘解圍三軍攝其健婦崩城慟哭四海傷其孝妻此又間代之一奇一家之兩絕者也嗣子尚衣奉御承榮天獎賜蘭星祥名寶禮義形於橋梓哀感過於縗麻稟訓惟堂克特門戶特奉恩旨收其二蔭飾柩玉闋歸魂上國以十六年十月詔葬於萬年縣見子之原鹵簿齊列方相雙引京尹護喪史官頌石千乘送葬觀驃騎之威儀十里問堽識龍驤之丘墓銘曰
合衆在仁 正兵維義 將為天目 國命所寄
曲乃老詔 輕實見戲 安我封略 才難不易

赴赴將軍

批貅絕群

超騰白地

騫翥青雲

朝盛勇爵

家榮戰勳

衆聲飛譽

帝曰予聞

甲兵連下文讀

繕肅也積

萬庚馬量

百谷甘心

犬戎指掌

獯粥大畢

當趾單于

可掬壯計

先達王師

未張城隳

孤塞寇及

高堂忠先

孝後取敵

而亡外仇

易復內變

難防克日

將戰呼天

不假岑彭

詐客張飛

帳下流鏑

何人交錢

去馬蒼黃

反覆哀哉

命也美殮

姑臧寵婦

芸陽東都

門外南登

路傍高墳

纍纍列樹

行行父子

同地何殊

故鄉詔刻

金石儀形

意氣隱善

必書殤魂

不諱事弃

忠在生輕

節貴嗟爾

明靈銜恩求慰

已上十行當連元本錯

撥川郡王碑奉

勅撰

珠玉無遠而登輦輅之飾寶也松栝無幽而入殿堂

之構才也物貴其用人亦如之撥川王論弓仁者源

出於疋未城吐蕃贊普之王族也曾祖贊祖尊父陵

代相蕃國號為東贊戎言謂宰曰論因而氏焉公有

申余之深識日碑之先見陋偏荒之常毳慕上國之

衣冠聖曆二年以所統吐渾七千帳歸于我是歲吐

蕃大下公勒兵境上縱謀招之其吐渾以論家世思

又曰仁人東矣從之者七千朝嘉大勳授左玉鈐衛

將軍封酒泉郡開國公食邑二千戶周語曰犬戎樹

輶守終純固今其俗獷而輕死其法折而不撓故前

代無降人中土無僮僕自公拔身向化守變華風澤

潞之間始見戎州矣若夫河南胡苑坳牧所利每歲
冰合虜騎是虞中軍必謀於元老亞將固選於時傑
神龍三年以為朔方軍前鋒遊弈使景龍二年授左
驍騎將軍開元五年兼歸德州都督使皆如故八年
奉衛大將軍改朔方節度副大使公之理兵也堅三
革利五刃偶拳勇齊是力信賞罰分甘苦六轡如手千
夫一心接獯獫猶蚊蚋卧沙塞如衽席荐居露食垂
二十年雨畢而成師冰泮而休卒寒氣入於肌骨夜
霜出於鬚鬢人不堪其勤公不改其節韓公之建三
城也公洗兵諾真之水刷馬草心之山以為外屏而
拔徒安堵鄭鄉之和默啜也公授館李陵之臺致饗
光祿之塞以為內候而賓至如歸九姓之亂也公四

月度磧過白檀林收火拔部帳納多真種落彌川滿
野懷惠志亡漢南諸軍蹙其計也降戶之叛河曲也
公千騎奮擊萬虜奔走戡翦略定師旅方旋而延陀
跌復相嘯聚上軍敗於青剛嶺元師沒於赤柳澗公
越自新堡奔命寇場羸糧之徒不滿五百兇醜四合
衆寡萬倍公殺牛為壘噉寇為餉決命再宿衝潰重
圍連兵躡踵千里轉戰合薛訥於河外反知運於寇
手朔方諸軍壯其戰矣斫摩之奔也邀於黑山口覆
其精銳市惠之背也追至紅桃帳掩其輜重亂泊之
會荆蘭池之狂胡本盤之役縲方渠之逋寇凡前後
大戰數十小戰數百筭無遺藁兵有全勝是以六狄
逃遁三垂又寧聲暴露於天下業光華於代載信皇

威之所加亦武臣之力也故錦衣寶玉允谷戎功甲
第良田丕承錫命語其智効未甚優寵黃頭黑齒比
價齊名積戰多瘡累勞生疹恩命尚樂馳往診之晉
豎已深秦醫無及十一年四月五日薨於位享年六
十制贈為撥川王稱故國志其本也太常議謚曰忠
由舊典昭其行也長子盧襲官封繼事業次子舊久
特拜即將十二年四月詔葬於京城之南懷遠人也
大路鼓吹介士龍旆虎帳貔裘封犛殉馬吉凶之儀
舉夷夏之物備長安令摠徒以護事鴻臚卿序賓以
觀禮哀榮之道極矣君臣之義厚矣有命國史立碑
表墓吾嘗同寮敢昧遺烈銘曰

黃河接天

青海殊攘

舉世安倍

拔倍誰放

倬哉論侯

利有攸往

奮飛橫絕

搏空直上

以衆疑塞

因敵立勲

吐蕃萬戶

今肅成群

精感天地

氣合風雲

既封酒泉

乃位將軍

朔方陰塞

直彼獯虜

帝命先鋒

闕如虓虎

山北加電

漢南擊鼓

十數年間

耀國威武

我有師旅

將軍鞠之

我有邊毗

將軍育之

唐故高侍內碑

不寐於十起反哺之志齊色難於一堂群公賀虞潭
之親天子歎馮勤之母此復然矣內待事主四朝歷
官七政專良恭肅著美綸言冲謙儉讓得名朝列年
六十有四開元十二年終於來庭里明年某月葬於
長樂原繼子力士喪孺慕而加苴葬罄誠而備物義
方之經鬱為稱首孝德之傳今見其人永維先思追

綴餘烈若夫慈霸旅之稚童仁也約詩禮之尊教義也貴不居而要避權禮也生推心而死有託信也仁為德本義為行先禮為身宅信為意田故仁之報也壽義之報也樂禮之報也安信之報也順履順居安乘樂享壽四者生人之偉事目牛之深致者矣於戲領賜冠馳寵勢偃蹇俗上煜燭君傍者豈不思景行高山慎視前轍如或少選亡禮顛沛違仁膽言四報咫尺十里揚芳樹淑其不務乎予固春秋之徒也懲不濫而勸不僭義重天綱孝崇人紀樂諄諄之成訓善哀哀之克子不著倚相之書將受丘明之耻九原上千月深覽碑版傷知音有以見古史之心也銘曰高堂樂未散重壤哀已擗寶帳吹靈衣

金罇照塵席

苦長夜之易泯

死心寸景之難惜

刻義聲與孝心

萬古千齡傳此石

大周故宣威將軍楊君碑并序

公諱令一字令一太州仙掌人也隋司徒觀王之玄孫周孝明高后之婦孫今司衛卿之元子維有隋接三統建萬國我高祖以同姓為王維皇周敦九族叙百官我諸揚以外戚而貴公體玄黃之純粹承河山之丕緒孝乎內炳忠焉外均性與天和道合仁愛收恤孤老分產踈屬泰於周施約於妻子加以樂善而好學降尊而容衆能辨樂施思柔酒德容止可度溫溫如也文章可觀彬彬如也淵英皎穆當世碩士與之遊焉而曰君子若夫漢魏舅族有恩澤之封公卿門子有良家之侍公浮雲世祿匪石孺風究乎王首

之紀綱明乎人事之終始年十九舉進士高第授潞州叅軍轉千牛胄曹遷洛陽尉從班次也居無何拜朝散大夫行通事舍人俄而加太中大夫檢校天官員外郎夫行人之在周禮方國是接公修其政令帝曰余嘉卽官之著漢儀列星是應公司其典故時稱邦則國家左賢右戚一武一文以公地望羽儀寄深虎旅除宣威將軍行右衛翊府卽將僂俛從事非其好也初公時為卽也遼戎悖虐作患幽冀皇上憫休下人故我有神兵之役選達權靡鹽之吏佐猛毅維城之師乃下制以公為兵曹焉有密贊軍政獨飛長策豈云卒乘輯睦戎機式序若此而旣哉俾雷霆颯動剿隱殿邦威玄兔懷黃龍馬未汗而狄盡人未疲

而兵戢者公與有力也及班師振旅冊勲踰時帝用咨有司之違古念有功之未祿將迺德命濡多勤有日矣方當翼大化增三光之明熙天秩垂九德之聲昊天不惠厲氣流行如何斯人胡不眉壽年四十一聖曆元年夏六月辛丑遘疾而卒嗚呼哀哉梁木未施予道不究呱呱稚嗣仰號蒼穹哀哀嚴親惴臨淵谷遐邇察舊暨乎欽風未識之徒罔不盡朋悲而輦歎矣夫子憫焉弔之以玉冊贈之以錦衾群公傷焉誅德於素旆圖休於青史粵乙卯假葬於合宮縣平樂鄉之北阜郭門十里印山西崗巒萬古之阡都邑九原之地隧寄新隴魂懷故域藐視諸孤未遑歸葬平生志事孰已焉哉厥第五人比才連譽曰踐一獻

一循一惟一尚一等因心則友世稱萬石之閔門死
喪之戚吾見伯淮之兄弟僉曰我圖後事冒除乎哉
乃布哀友生託詞懷舊跡德表墓祖之來昆其銘曰
洪河南注 少華西峙 氤氳靈會 生此君子
維國之紀 宣慈惠和 禮樂文史
敦錫宗類 汲揚微否 勤然濟物 若不由己
克明從訓 誕敷厥美 修詞北闕 潤色東里
揮翰文昌 列星順畧 交戟禁衛 為王瓜士
允武允文 翁歸是比 疇曰禦寇 諗軍北鄙
攘狄黃龍 濟師蒼兕 將王玄默 繫公是恃
帝懿乃勲 將圖臚仕 仇仇執憲 不我力以
役役大勞 未受多祉 景命無祿 洪基中比

父兮葆鬢
陟彼印山
于嗟揚侯
久客思鄉

孤兮稚齒
丘墟歲礫
託居此矣
永懷桑梓

孔懷靡及
荒草無際
沕滴綿曼

凡伯萃止
群哀所起
德音之已

元城府左果毅贈即將葛公碑

公諱威德字某曰葛氏京兆涇陽人也其先嬴姓咎
繇之後夏有葛伯氏族興焉寧陵之傍尚傳侯國綏
山之下獨有仙祠嬰則威服五城襲則續稱二縣鴻
臚秀於吳會散騎崇於晉景在其子孫是宜繁羨公
生而開朗長而英拔非因馬鄭之學動合禮經不待
孫吳之書睹同兵法有拳勇尚氣既顧眄稜華風神
都爽五馭善於東野六射勁於西霜少以嫖姚之才

入光供奉之選御槁駢駕犯清蹕而不驚輦道啼鳥
應鳴弓而自落便蕃左右星歲重深賜上柱國拜元
城府左果毅天下大定李廣之用無施雲中薦賢馮
唐之言已老春秋六十五神功二年某月終於洛師
高殯卽阜夫人太原郡王氏夫人郭氏實生大將軍
福順一見聖主再紉軋綱重位冠乎北軍茂功藏乎
南史故象服臨祭魚軒以朝天子深嘉歎馮勤之母
群公列拜賀虞潭之親享年七十五薨於京兆之三
真里公受敬奉親執則移於後代義方訓子福及來
於先人葬有日矣乃下制曰禮著飾終情惟悼徃詢
諸前列抑有舊章前左羽林軍大將軍高福順父某
守其謙素弘此藝能未展才術奄從凋殞而嗣子克

家式昭勲業旣念功以追遠亦自葉而流根宜申將
贈俾慰泉壤可贈游擊將軍守右驍衛翊府郎將開
元九年二月九日葬我郎將君前夫人王氏後夫人
郭氏祔焉禮也章弟以旌輅旗在列廟食備具牲牢
法塋陳其簫鼓孝慈之道著矣哀榮之禮畢矣尋彼
平生之事忽如絕光擊乎碑版之文永存遺烈銘曰
硜硜都慰 角立傑豎 神銳玉劔 氣雄金鼓
六藝爰設 射馭為武 百行雖名 忠信為主
時不兼命 位不充才 善流慶谷 身謝榮來
太原棗棣 寔惟嘉偶 羽林桓桓 克大其後

張說之文集卷十七

張說之文集卷第十八

碑

廣州甄公碑

豫州魏君碑

刺史徐府君碑

鄭府君神道碑

陸公神道碑

唐故廣州都督甄公碑

君諱亶字道一中山無極人昔胡公紹舜奄有大邦
楚子縣陳逃威樂土當列王之王也有陳通奔周王
以為中將美其族言舜居陶甄之職命為甄氏錫姓
因生如堅之讀形聲轉注以真為音處則稱劉明歸
晉者以異變而為郭蓋承號者有馮通之襄邨仕漢
為太保大司馬承陽侯邨十六代而生鸞仕齊大山

太守司隸校尉無極縣伯撰笑道論行於代鸞生隋
汾州刺史族生隋沁州刺史紹紹生隋市令協協
生單于大都護府錄事參軍贈宋州刺史封惟祖惟
曾在商在夏世濟其美永觀厥成君即宋州府君之
第四子也博綜經史脫落流俗情之所遺對咫尺於
千里氣之所重輕百金於一諾曰興曰比階應劉之
閩奧或草或真截鍾張之筋骨譽滿鄉曲聲聞闕庭
天后臨朝再加辟命皆辭以親老不赴逮疾革易簣
骨立廬墓復有制徵馬刺史獨孤莊率府僚敦喻起
於墳左乃授左金吾中候生及其養豈違親許人沒
柳澗亡師一劍復之蘭地叛胡三戰覆之
武節方壯朝露不待王爵送終宿恩未改

楚為不道

祚以永淪

周寵忠節

氏以初日

丕惟承陽

致君論道

施及無極

逮家載考

彼汾彼沁

伊時之寶

宰芳牧芳

亦孔之好

積慶潛演

後人挺生

標格磊落

氣志清明

八司戎事

厥謀有成

五刺方伯

厥政有聲

山有杞梓

工思其度

國有孫吳

君思其畧

弃德珠浦

遺氛沙漠

借哉不當

今也可作

恒岳臨北

滹沱注東

仁不志本

孝亦令終

壽堂盤薄

牧子充窮

勒美松隧

穆如清風

唐故豫州刺史魏君碑

公諱叔瑜字思瑾曰魏氏鉅鹿曲陽人也考太師鄭
文貞公致君皇極配神清廟故祖德曹系叙於太宗

之先碑矣公生育愛緒天然炳胎教之姿少長德門
日用成躬率之化性盤於孝友習狃於禮樂俛仰中
則從容蹈道加以專精好古旁通多藝聖人之所志
聞一而反三君子之所能舉十而九與同生璘琬知名
當代始以門資補左千牛轉洛州司兵司議郎職方
郎中太子洗馬出為懷州長史歷慶慈儀豫四州刺
史春華韡於兩宮時雨零於四郡觀風之使所在聲
聞變雅之老則今遺詠其年春秋五十有一終於豫
州葬于舊域夫人太原王氏祔焉禮也議者以公不
避強禦有昭子之政事不為皎厲有康子之隱德虛
已尚賢有文侯之樂善重諾分急有信陵之高義人
鮮有一况兼四乎公賦入封君妹歸帝子車馬無戚

里之盛衣服有儒者之節儉而得禮富而無驕此蓋
奉先之素履也公善於草隸妙絕時人以筆意傳次
子華及甥河東薛稷世稱前有虞褚後有薛魏此人
貽訓之餘美也嗟夫嗟夫公學瑋向韶操齊固燹若
天假三壽朝登六事則鄭之桓武可尋漢之常乎一
揆而年近知命位止方州落鵬翼於丰霄負天之力
莫展頓龍媒於局路追風之勢斯畢九原不作誰將
與歸二子獻華追存先德俾子作頌以慰罔極曰
昂昂豫州毓粹舍道欽若古訓思文烈考於穆烈考
維國之師公承丕構思皇纘之發軔臺閣風流榮問
建麾千里禔霧四郡位未充德命不遂才彼蒼孤善
謂之何哉子孫必復丘封永久穆如清風振芳厥後

唐西臺舍人贈泗州刺史徐府君碑

叙曰經天地揭日月文之義也掌邦籍出王命位之崇也本乎言行君子之樞機成乎易簡賢人之德業則徐公其人也昔公奮明哲之姿當高宗之盛天保大定俊人用彰而光耀天臺雲飛綸閣文敏以暢機務稽古以祈嫌疑禮樂政刑擇三代之令典典謨訓誥有唐虞之遺風較然於庶績者可得而聞也其嘉猷謹言沃心造膝滋液內潤精微外密混成於元象者不可得而聞也公諱聃字將道姓徐氏東海郟人也遠祖偃王基仁義於上代嚴考孝德濟弘美於近世公始以弘文生通五經大義發跡曹王府參軍右千牛曹潞王府文學崇文館太子兼待皇太子講又

芳林門脩書于時中朝碩老下國英雋皆志年請交不遠來謁望其路者若晨風之赴北林得其門者如衆山之仰東岱公不樂趨競雅尚退謚深以枿房之家聲名太甚求為外職出宰桃林未下車勅改沛王掾終歲選議司績員外司議郎並不就乞補雲陽令到官累日詔除司城員外郎乃遷西臺舍人其為政也如台示爾初公幼而殊異八歲工文太宗聞之聰明召試詞賦錫以佩刀金鞘稱曰神童及中年高宗乃道憂悉命皇子受業訂謨帝來許以國鈞故公備更潞沛豫諸王侍讀上之在周邛也公嘗未誨詩焉夫然集虎觀之書承龍樓之問二宗之代矯首辭林四王之門從容

經席非有海山之藝溫良之德

儀形以享柔嘉維則其孰能發揮聖智啓迪天人者乎咸亨元年出為蘄州司馬二年坐事徙於欽州君子大守道而小守位沔陰隨時屈伸以義亡令尹而不愠失司寇而遂行蕙蘭敗不為不芳日月蝕不為不明古務忠信何陋蠻越優游欽江歲餘而沒春秋四十有三惜乎不登宰衡以平天下夭夭是瘞命也歟既而慶隆嗣子返公孫之樞德施後王拜先師之爵上元三年某月歸葬於少陵原中興神龍元年贈泗洲刺史褒賢追遠念道尊師聖人之禮也議者以公考果州府君高學才華香名省闈武帝賢妃姊也大帝婕妤好妹也公既高步掖垣子又踐脩舊職同生標藻於鸞殿重世含章於鳳池自班姬父兄文雄漢

室左思女弟詞尉普宮悠哉二族徐氏三矣才難不其然乎凡是好文之君賞音之士公之逝也豈不慨然閱青簡而在凌雲之氣操朱絃而想流水之屬哉厥子曰堅景龍中加金章紫綬行禮部侍郎得以命卿之祿奉蠲潔之祀無念烈考樹之家風迺刊石立頌將以識徃行攄無窮使本拔百代不忘先人之殞其名也其詞曰

王言惟令中禁是司帝嘉文父曰汝宜之終溫且惠習禮明詩長裾傳道大筆脩辭鴻業潤色玄徽緝熙昊天大戾君子明夷蒼梧啓手涅而不淄中興受命逝者無追虛符泗水崇贈先師髣像精魄丕承聖期教近子貴榮躋父慈學嗣三業才俱一時春秋孝享

霜露深思後之視昔斯文在茲

大唐中散大夫行淄洲司馬鄭府君神道碑
五岳可陟惟德也為之崇高萬物皆化惟名也謂之
不朽若夫行欲蓋而德彰道無求而名立常聞其語
今見其人公諱某滎陽人也華州刺史襄城公偉之
曾孫滿陽太守大濟之孫刑州刺史軋漿之子在昔
周王敦序九族邦懿親於鄭維時鄭伯敬敷五教賦
善職於周其後蕃衍儒門光華士族威行西域名震
京師入則天子授經出則單于抗禮公揭日月表出
川體二氣之清淳納百代之層慶越在歧嶷異於常
童以既冠帶遊皆長者初以門子宿衛解褐涼州參
軍轉嘉州司士又宰鍾離當陽二縣皆秩滿兼攝江

陵其月政不改倍官不易方群盜出奔遠人來附其
所處也入境聞愷悌之聲其所去也扶路有鬱陶之
思非夫忠信以結之法令以齊之易簡以業之仁義
以肥之孰能順人如此其理者乎神皇玉冊受天金
壇拜洛頓綱而鶴書下闢門而群龍至公待制公車
召議宣室自以奇士承一顧之恩許其正人參四率
之屬乃墨制除太子右清道長史尋加中散大夫行
淄州司馬負士元之才於是拜職過江明之疾從茲
掛冠洛汭閑居漳濱沉痼優游卒歲福應愆期豈唯
朋友之哭將見神仙之予享年七十有九神龍二年
夏六月十五日終於洛陽之私第冬十月一日葬於
滎陽之原成先志也公執親之喪三年泣血以聞州

淳感盤桓利貞弓招莫進同誌誅行謚為惠康孝悌
仁義世不殞矣公誕靈冲和稟識高朗簡而中禮易
而達節篤學勵行著實飛聲文史者宗其淵府德行
者仰其牆仞舉國子明經選絳州參軍始州司法其
在官也示人親其親長其長不苛察而小無廢不皎
異而大有成知常曰明常愴如也喪親過哀因中風
廢卧疾累年不起楚邱肇封大羅雲逸雖沉痾未弭
而僉望先歸授楚王府兵曹參軍實有躬師賓之禮
目擊儀形之訓府罷授趙州錄事參軍以病去職聖
曆元年匈奴入趙公危邦不處尽室以行望河南而
將濟至黎陽而疾甚年六十二月丁未終於姚村
之逆旅歸殯於滏陽之郭北先天二年皇帝踐祚以

故吏贈齊州司馬惜哉用公之道行公之志上可以
序三光下可以平九土存則位不充其德沒則榮不
逮其身命矣夫夫人范陽郡太君盧氏故岐山丞元
瑾之女恭儉之德備貞信之教興婣道母儀自家形
國享年七十有六開元六年十一月丁未終於洛陽
之宣教里八年五月丙子合葬於漳北之神崗禮也
初咸亨中王師征遼公叅是軍事友人太原王守義
遇疫於海東路艱寇阻危兵勢急公獨顛沛致喪歸
其井邑其在安州也朝廷以公精達法理乃命覆囚
劔南梁岐寃繫動盈千百丹筆所詳十全八九其捨
生徇義返已施仁皆此類也禮莫重乎飾終於見其
不朽矣善莫大乎餘慶於知其有後矣四子伯玉仲

容升獻季良泣血銜恤視天若墜俾予作頌式昭遺懿
銘曰

曠哉陸公	觀奧臻妙	文雅外炳	清明內照
從政本仁	資忠移孝	不言而理	正身作教
才何富之	命何負之	居喪柴毀	遭疾棲遲
垂彼雲翼	落此盛時	歿後榮進	終延贈寵
德之休明	位匪為重	嗟嗟千載	賢士之隴

張說之文集卷第十八

張說之文集卷第十九

碑銘

崔君神道碑

馬府君碑

貞節君碑

元公碣碑

平偃師碑尾

龍興寺碑

大通禪師碑

玄識閣梨廬碑

唐故瀛州河間丞崔君神道碑

蛟龍蟠乎沼無雲雨而不翔君子志于道無運命而
不彰然則變化者是神靈之末富貴者非德行之本
守其真樂其分不其至矣世有人焉君諱漪字某博
陵安乎人在唐為姜姓炎帝之孫也在周為崔氏齊
侯之胤也遙源長發洪河之水接于天層盤烈秀太

行之山拒于海東觀所以美其文宗北州所以貴其清族魏冀州刺史簡公諱纂君之高祖也齊散騎常侍諱敝君之祖也隋太理少卿諱世立君之大父也故祁陽令諱抗君之皇考也丞百代之隆慶愬五德之清淳孝友忠肅宣慈恭儉好古博雅隣幾亞聖盈而若虛漢而無象非夫入周公之廟升孔子之堂則憲章禮樂鮮得其門而覩矣弱冠以門胄入國學舉進士母弟汲亦以明經同年擢第大理卿張公文確人倫之表也目君曰昔兩劉並舉以為騁二龍焉今兩崔齊飛可謂儀雙鳳矣搢紳景慕憧憧往來徒宅就居投刺成市若衆流之赴壑也及親而仕盤桓利貞解褐澤州晉城尉降為光州安樂尉掾蘄州黃梅

尉轉河間丞凡更三尉佐四邑體公綽之不欲勵伯夷之高操臨事以簡御人以寬雖為小政必有可觀故八使巡風再薦清白河上遺老江濱舊吏吟咏餘聲祖述前事人到于今稱之若夫碧樹烟藹於江潭紅荷藻耀於澤畔寶貝烟光於空浦美玉明潤於斷岸不為珍輿瑤輦之飾前殿後池之玩誠自得焉必將有賞心之所歎也况乎殿邦先國之寶罇俎柱石之器道為帝王師言為天下利已而稅遠駕於窮轍理高才於下位亦無惜焉固將有知音之所歎也垂拱元年奉使上都遘疾終於時邕里之旅館享年六十有二夫人河東裴氏湖州治中懷儉之孫滁州司馬昉之女也稟訓華室作合高門嗣徹先始克和娣婦

德容之盛圖傳罕有喪親過毀薜華朝落儀鳳中卒
於鄭春秋二十有八長安三年春二月合葬於金谷
鄉邛山之陽禮也北據高崗連隴南面大道禁林上
國滄洲川原指掌仙門宰樹碑闕相望玄靈嘉之是
宅嗣子曰用景龍中爵安平縣子職兵部侍郎夙遭
閔凶不承誨誘慎終追遠克家用譽家聖主拔奇賞
異絕等超倫三顧赤墀之下一舉青雲之上祿廩所
資吉蠲致美實先人宥十世降祥之所及也永惟官
不達者身不登乎明堂行不夸者名不書乎史冊則
韜先隱德緒俾後代將何述焉夫銘景鍾稱茂伐彼
大夫之事篆豐石揚令名此孝子之志辭曰
維嶽建國厥生炎皇維師尚父諒彼武王古人言曰

必齊之姜齊之丁公後有崔子因邑命族世濟其美
黃鵠倚歌雕龍擅史倬哉嗣武舍章挺生以象養正
用晦而明混之不濁人莫能名學以崇道文以慰志
垂其雲翼坦然卑位祿逮吾親榮非我仕皇皇上帝
建官惟賢有人在下胡寧捨旃孰云輔德曾不永年
展矣邦媛宜其家室友如樂諧皎如月出重壤既兆
終天偕畢北陵墳丘松楸千秋金碑石樓祗令人愁
東都城郭通澗湮洛飛橋連閣金管迭作人世之轉
然兮山川之宛然兮德音之緬然兮

故洛陽尉贈朝散大夫馬府君碑

君諱某字扶風人也其先伯益贊禹中衍御殿在周
曰羸在晉曰趙上卿以人歸政將軍以馬服為姓緝

熙乎平通重合焜耀乎伏波中水我高祖汾州刺史
諱婦歡我大父鷹揚即將諱士幹嚴考獲嘉令諱果
濟美惟舊冥德于君君幼而瓌竒長有規操樂道稽
古昇堂覩奧伯父匡武撫之曰冗宗保家吾有望爾
悉以先人家謀圖傳付之入太學舉明經補巴西尉
內憂去職君四歲而孤重集于蓼因心孺慕名教同
傷歸次葭萌江溢毀道攀轡號慟濤為之却蜚人哀
之簷棧而濟釋服調襄陽尉主進魚家絕魚鱸食州將
魯王俾盤二百魚時其亡也遺之夫人以辭君還拜
受使復王曰非唯是大又亦賢婦吾嘗其一得其二
善焉長史盧幼孫悅是將大也舉君清幹有聞授清城
尉未往且有後命為河西營州判官物土播人藁穀

洋羨皇揆其懋考績登為程務挺之軍靈夏也咨君
運籌乘遽入幕獲虜數百歆剗磬之君諫曰王者之
師將德是以討叛惟武携遠在寬搏牛之蚤不可破
虱未擒伏念何逞纍囚乃止師歸策勲上柱國改溫
縣尉永淳阻飢廣提中外絕甘分少約已周人既喪
好逮室無嬖御夫人張氏詹事丞師寂之女也敬事
皇姑能佐君子娠有胎教宗如樂諧前誌之美多所
闕載絳郡夫人王氏則天聖后姑之女子而夫人之
母也嘗曰婦則女訓吾女有焉享年不永玄髮徂落
時君之伯婦歸宗夫人惟居廨寢事之而躬處下室
及亡設几筵於正寢惟明靈以女公之故憑巫通夢
屢寢為辭舉家懇啓以而後定嘻生則盡禮死而知

讓始其神不昧乎温秩滿轉洛陽尉當周之興也版
都社澤郊廟粹紛嶽僕明堂京穀回回日不暇給又
勅君專摠徒匠凡三百有餘旬蘊勞成疾晡憂損壽
永昌元年孟夏辛卯卒官春秋五十有七帝用悼之
贈朝散大夫旌淑紀庸禮焉龜玉在山泉為國寶以
其靈與瑞君子居下位而上達以其名與義夫是之
寵有由也哉葭萌之戚昭其孝也揚侯息浪異類胥
感襄陽之饋穢其潔也德形於家聲聞于外塞垣之
謹植其仁也衆俘賴全將不為暴重屋之役底其勤
也沒而益榮朝不棄力有一於此猶為令德况備舉
乎豈其身將施其後厥子構據擇皆國之良也為有
後之其在是乎徵構職太子僕景龍初宰長安永惟

考襲朱帝已佩葱珩母氏早逝而榮不及乃讓賜階
乞封先妣天子憐之制贈夫人清河縣太君人謂長
安能報恩矣詩云報歆之德昊天罔極報恩之謂也
馬氏之墓世在扶風清河之喪也卜宅於洛陽邙山
麓後君捐館因窆其所夫人穴於兆之申大夫窆於
域之庚今龍集戊申將返葬故國君執友禮部侍郎
嚴善思諗之曰夫子之逝一終八辰精氣其存親壤
石矣吾嘗相二工從新其愈乎且不戀本達不合葬
古神尚休無或變有夢先君者與其言叶於是祇率
嘉話即安成規堙雙墳溝四澗傍建祠宇前勒豐碑
茫茫天地永懷長畢誰居後之人匪唯是四時蒸薦
之事所以觀百代祖宗之烈其詞曰

昂昂大夫有邈其致洽聞膚敏凋窮錫類孝實迴川
清能改位佐邑惟五安人則四多稼穡邊昌言扈帥
比義后稷勤官沒地歎歎夫朝毳衣以遂我有合德
追啓清河宜家族採生祭神和親戚光貴劍蓋金歌
相從先後樂此山河

貞節君碣

神功元年十月乙丑陽鳴卒於雩都縣友人沛國朱
敬則清河孟乾祚范陽盧禹等哀鳴抱德沒地維體
未識考行定謚葬於舊域鳴字李翔平恩人也其先
著族右北平郡大父真陽宰適茲樂土爰定我居維
棗與梓既重世矣鳴個儻竒傑壞瑤博達貫涉六籍
百家之言其要在霸王大畧竒正大旨君親大義忠

孝大節而已章句之徒不之視也嘗陋漢史地理志
周禮職方志時異虛記心不厭焉乃攀恒岱浮洞庭
窺河源踐岷衡稽四海之風借筭九州之險易與趙
國貫高圖獻其議遇火焚盪天下壯其志而痛其事
養徒閭里不應賓辟儀鳳中河北大使薛公舉鳴行
厲貪鄙天子嘉之用寘于吏乃尉汲曲阿主簿龍門
雩都夫其屏居十年一方化德歷佐四邑諸侯觀政
惜乎有大才無貴仕命也初鳴遊太學有書生山東
李思言物故南館鳴傷其終遠家屬有喪無主乃躬
駕柩車送歸東土及在曲阿敬業作難潤州籍鳴得
人歷旬堅守城既陷而猶闢力雖屈而蹈節寇義而
脫之因偽加朝散大夫即署曲阿令鳴貞而不諛詭

應求伸既入邑則焚服闋門而設拒矣故得殿邦奮
旅一境賴存淮海底績勲吞効功卒不言賞三亦
不及君子以為急友成哀高義也臨危抗節秉禮也
矯冠遠禍明智也保邑匿勲近仁也義以利物智以
周身禮以和衆仁以安人道有五常鴻擅其四武有
七德鴻秉其二大慮克就之謂貞好廉自克之謂節
勇若夫子可謚為貞節也已於是紀名垂迹表墓勒
石其詞曰

倬良士縱自天辨方物覈山川厥志大哉峻剛節殷
義聲返旅襯晏窮城厥德邁哉哀斯人命莫贖德不
朽温如玉軌來世哉

唐故處士河南元公之碣銘

其字子特作
少西行冲撰

嗟我處士煥炳其文精微天象與道為隣顏乎萬化
于三十春在昔薄葬時服幅巾厥孤克孝永懷遷神
君其心之無違返真乃建豐碣追揚茂慶王門公路
豈微朱輪天才海學于何窶貧心焉有主孰知我艱
烈烈皇考求仁得仁哀哀王母斯恩斯勤李虔報養
生褒感親退居更命喪禮終身忠為令德孝實至純
一門二善千載不泯

平偃師碑尾

粵以長壽二年十月十七日改定於衛縣苑樓之西
北原夫令德所麻餘慶未也神龍紀曆皇運中興天
子嚴祀清廟緬懷前哲乃下制曰朝議大夫守衛王
府司馬上柱國平元春父故偃師令某公門襲慶士

林成則名教羽儀道德泉藪輔仁冥昧早謝昌辰積善洋溢垂休茂胤時光祀夏慶屬配天錫類之恩俾覃於卿士哀榮之典冥旌於泉路可贈蒲州長史君子謂成其子而植乎身義方也愛其臣而及其祖孝理也孝以行惠惠以察忠義以立慈慈以昭順君臣父子於是形焉

唐陳州龍興寺碑

觀夫廣大無相者虛空也四輪等之而住精微無體者佛性也萬法因之以生聖人有以見三界成壞皆有為殼故剖之以戒鬻聖人有以見大趣輪迴是無明網故決之以定力爍寶光之慧炬而沛善利之慈舟返迷路率於中道猗橫流登於彼岸以言乎真實

之要惣攝一乘以言乎天地之間曲成萬物大矣哉道心包舉等太虛而無際法教流通彌曠劫而常在則有乘如來方便出應化門用大士因緣處帝王位俾庶類咸若謂之光宅天下令衆生修善名為莊嚴佛國龍興寺者皇帝即位之歲溥天之所置也唐祚中微周德更盛歷載十六姦臣擅命伯明氏有盜國之心一闡提有害聖之迹皇上操北斗起東朝排闥闔運扶搖張目而叱之殷乎若震雷發地歛勦翕響以克彼二凶赫然若太陽昇天晞熙仰象以復我萬邦返元后傳國之璽受光武登壇之玉尊祖繼宗郊天祀地之禮既泊修舊布新改物班瑞之典又備乃考出世之法鼓大雄之事入無功用之品住不思議

之方一光所燭度兆為之清涼一音所宣大千為之
振動雲蒸風靡不崇朝而壞衣涌塔徧天下矣陳州
者上古太皞之墟近代淮陽之地置守則列為郡封
王則建為國本其風倍豪侈靡麗舊矣朝東門之下
接袂成帷觴苑丘之上炫服成市信豫章之郊一都
會也刺史南陽韓府君名琦其為邦也勝殘去殺聖
主之得賢臣別駕彭城郡王名隆業其從政也能書
而恭高陽之有才子長史南陽張齊賢儒林之選司
馬河南雲盈公族之良也士曹從事八人錄事參軍
于璆為首六屬官人至二十五人苑丘縣令崔脩已
為稱首或以藝榮或以門進高車一轍美利同人禮
舉刑清於是乎在因邦甸積稔之蓄偶日月再旦之

初欽若王言建^立靈寺上略其趾下務其終百工不勸
而亟庶役不徵而會經始如雲成之不曰夫其帶四
郭五衢之陌踞重墉闐闐之端福地砥平長垣雲矗
高門有閣大廈斯飛連廊曲閣交軒對雷木磨而不
雕土塗而不飾壯無僭侈以約費為功儉無偏陋以
靜居為寶法王宮殿近寶花之城菩薩伽藍住金燈
之地亦猶是也上座處玄座主真度維那守慎等戒
珠如月獨潔麒麟之行法寶如山普聞師子之吼克
諧善衆底定神居甘露飽而盈滿天香醉而圍繞于
時陳頌之老褒衣而博帶蹠蹠然相造而諏曰以矣
吾黨之惑也倥侗顛蒙情嗜橫放恚愛我僕聰明不
開日有忘其生生月無覓其滅滅一息之漏可勝言

哉而今舉足至于道場甲臂及于淨土畫則目禪誦
之事夜則耳鐘梵之音何悞是生晚臻斯樂豈不思
天子至仁乎側下仁之昏墊適上聖之昭軌假有相
之途詣無生之理灑冥澤於已滅帶玄根於未始百
靈之所歸依萬宇之所欣喜非獨陳而已矣蓋神闢
天聖開地世之祖也纂帝寶基皇統孝之主也殄僞
狂破魔孽威無外也廣正典紹度門德無大也通幽
洞明魚鹿該精傍洋而行混濩厥成一收功而四善
舉一推心而群願立咨如是則龍興之化曷有量矣
天業可大而蕪沒焉不貽於後事可尊而蘊為不述
於世臣子之罪也敢請圖之然言語之不到者心識
心識之不到者真如二乘聞之而不見十地見之而

未了而我云何能知能說竊比六時之鳥也寶之樹
是出乎和雅音聲是讚乎微妙功德記其在處長者
之金園銘其事因育王之石柱其詞曰
聖皇在上於昭于天唐雖舊邦其命惟新龍興返政
滅二暴臣少康非擬於舜為隣皇王蒸哉

其一

於廓玄教生人戶牖神化洒心小大稽首掌擎萬域
潛移仁壽三代之前蓋未曾有最上乘哉

其二

泱泱陳服韓侯道之奕奕寶坊邦人造之天龍護持
賢聖熙熙受福維祺帝心則怡至理興哉

其三

國師

唐玉泉寺大通禪師碑

從原碑對過

誤夫揔四大者成乎身矣立萬法者生乎心矣身是
 虛哉即身見空始同妙用心非實也觀心若幻乃等
 真如名教入焉妙本幸言說出焉真宗隱故如來有
 意傳要道力持至德萬劫而遙付法印一念而頓受
 佛身誰其弘之實大通禪師其人也禪師尊稱大通
 諱神秀本姓李陳留尉氏人也心洞九漏懸解先覺
 身長八尺秀眉大耳應王伯之象合聖賢之度少為
 諸生遊問江表老莊玄旨書易大義三乘經論四分
 律儀說通訓詰音參吳晉爛乎如襲孔翠珍然如振
 金玉既而獨鑒潛發多聞旁弛速知天命之年自拔
 人間之世企聞蘄州有忍禪師禪門之法胤也自菩

提達摩天竺東來以法傳惠可也可傳僧璨也璨傳
 道信道信傳弘忍忍繼明重跡相承五光乃不遠遐阻
 翻飛謁詣虛受與沃心懸會高悟與真乘同畫捐
 妄識湛見本心住寂滅境行無是處有師而成即燃
 燈佛所無依而說是空王法門服勤六年不捨晝夜
 大師歎曰東山之法盡在秀矣命之洗足引之並坐
 於是涕辭而去退藏於密儀鳳中始錄玉泉名在僧
 錄寺東七里地坦山雄日之曰此正楞伽孤峯度門
 蘭若蔭松藉草吾將老焉雲從龍風從虎大道出賢
 人觀岐陽之地就去成都華陰之山學來如市未云
 多也後進得以拂三有超四禪昇堂七十味道三千
 不是過也爾其開法大略則專念以息想極力以攝

心其入也品均也聖其到也行無前後趣定之前萬
緣盡閉發慧之後一切皆如特奉楞伽遮為心要過
此以往未之或知久視年禪師春高矣詔請而來誅
坐觀君肩輿上殿屈萬乘而稽首洒九重而宴居傳
聖道者不比面有盛德者無臣禮遂推為兩京法主
三帝國師仰佛目之再中慶優曇之一現然處都邑
婉其秘旨每帝王分座后妃臨席鵝鷺四匝龍象三
繞時熾炭待礦故對壘而心降時諫飢投味故告約
而義領一雨溥霑於衆緣萬籟各吹於本分非夫安
住無畏應變無方者孰能焉爾乎聖敬日崇朝思代
積當陽初會會之所置寺田度門尉氏先人之宅置寺
日報息軾問名鄉表德非擬也局猷誼輦長懷虛壑

累乞還山既聽中駐久矣襄德無他患苦報也散神
全形遺力謝神龍二年二月廿八日夜中顧命扶
坐泊如化滅禪師武德八年乙酉受具於天宮至是
年丙午復終於此寺蓋僧臘八十矣生於隋來百有
餘歲未嘗自言故人莫審其教也三界火心四部冰
背攘崩梁壞雷慟雨泣凡諸寶身生是金口故其喪
也如執親焉詔使吊哀侯王歸贈三月二日冊謚大
通展飾終之義禮也時厥五日假安闕塞緩及葬之
期懷也宸駕臨訣至午橋王公悲送至伊水羽儀陳
設至山龕仲秋既望還詔乃下帝諾先許冥遂宿心
太常卿鼓吹導引城門即護監喪葬是日天子出龍
門法金觀登高停蹕自盡迴輿自伊及江扶道哀候

幡花百輦香雲千里維十月哉生即舊居後岡
安神起塔國錢飾賜逾百萬巨鍾是先帝所鑄群
經是後皇所錫金榜御題華幡內造塔寺尊重遠稱
標絕初禪師形解東洛相見南荆白霧積悔於禪山
素蓮寄生於坐樹則雙林變色泗水逆流至人遠代
同符異感百日卒矣也在龍花寺設大會八千人度
二七人二祥練縞也成就西明道場如前會萬迴善
薩乞施後宮寶衣盈箱珍價敵國親舉寵費恫供巡
香其廣福博因存沒如此日月逾邁榮落相推於戲
法子永戀宗極痛慈舟之遽失恨踊塔之逢開石城
之歎也不孤廬山之碑焉可作竊比子貢之論夫子
也生於天地不知天地之高厚飲於江海不知江海

之廣深強名無迹以慰其心銘曰

額珠內隱	匪指莫効	心鏡外塵	匪磨莫照
海歲安靜	風譏幸樂	不入度門	孰探法要
倬哉禪伯	獨立天下	功收密詣	解却名假
詣無所得	解亦都捨	月影空如	現於悟者
無量善衆	為父為師	露清熱惱	光射昏疑
真將住世	萬壽無期	奈何過隙	一朝去之
免我門人	憂心斷續	進億瞻仰	退思付屬
盡不離定	空非滅竟	念茲在茲	敢告無學

玄識閣梨廬墓

夫孝者法象乎天地感通乎鬼神故愛敬之中又有
真報哀戚之外更追冥福玄識禪師其人也厥姓桑

氏其先長樂人漢尚書洪之後曾祖梁州刺史諱千
秋祖貴卿令諱信考文林郎名爽自前代無違德基
於累仁是生達者禪師智周萬物而理證本無願度
四生而見滅諸有以為空不離色體念子之慈業不
士緣起思親之孝乃於萬山北陌滎陽東原葬先考
文林府君先妣王氏負土成墳結廬其域置義井取
施無求報鑄洪鐘取聞而悟道脩古寺造尊容取觀
相生信若夫信生攝攝生靜靜生定定生慧於生滅
處得常住心於虛空中立一切法其定慧之門乎禪
師昔宴坐介山群虎自擾今經行宰樹四衆依德至
人凝寂雖罕見全象識者餘論亦時存一隅篆美豐
石寄詞短偈云爾

邈矣上德行密道高哀哀父母生我劬勞禪心護念
神足遊遨苦河雖廣曾不容舫甘井既深利物無竭
不增不减不流不滯仁靜而鑒智動而悅華鍾既鏗
雄雄法聲如來如去如滅如生不有奚得不為胡成
寶地嚴飾金山晃耀善惡無門惟人所召境回心起
理憑思照懿哉一心混成衆妙

張說之文集卷第二十

碑銘

刺史先府君碑

府君墓誌

元君石柱銘

元府君墓誌銘

張府君墓誌

處士張府君墓誌

唐贈丹州刺史先府君碑

府君諱隲字成隲范陽方城人也張祖曰揮帝軒之胤肇勳弦木錫姓上矣詩有卿士孝友史有留侯世家八葉至東漢司空皓公子字北平太守始居范陽四葉至西晉司空華公子躋散騎常侍乃僑江左昆孫太常復歸河洛故河東有司空峇洛陽有散騎里後司空至府君十二代不失仁義矣王父諱弋周通

道館學士考韓惟無祿早世府君乳生遺育四代單
緒家世尚儒不及伯魚之訓外祖為理遂讀臯陶之
書以明法歷饒陽長子二尉介休主簿洪洞丞以所
願乎下事乎上以所願乎上交乎下反身與人何往
不順臺選貞白覆囚山南人謂是行有典刑矣昊天
不吊年五十二調露元年十二月乙卯捐背於縣廨
夫人長樂縣太君馮氏父威藍田丞敬脩法度踐涉
圖史顧復幼孤將就成立家首不殞夫人是賴享年
七十二傾背於東都康倍弟光珪說不天夙遭閔凶
文集荼慕先王制禮不敢從滅以景龍二年七月已
酉安厝於萬安山陽祔從周制也先君不祿俸不奉
親不機杼不資身僚舊無機雞黍之接况其非類乎族

姻無魚菽之受况其人吏乎是全其高而善其獨也
過四十始閱六籍觀詩得之厚觀書得之恒觀樂得
之和觀禮得之別觀春秋得之正觀易得之元曰君
子多乎執事斯一言而已矣每誦道記三復三寶曰
至人之心有以垂世又聞之太夫人云吾有子五十
載非其疾無一日之憂太夫人亦云吾事夫子三十
年耳無忤聲目無暴色先君之違世也其憂戀者尊
門在殯歟聖善在堂歟我諸孤無日敢忘及王母終
養二祖封崇亦尚克家成遺訓矣若夫安親孝也宜
家義也翼子慈也軌迹隱乎舍光故當代罕擢馨香
發乎潛德故明神終勞先大夫父而益榮沒而不朽
蓋此景雲二年天子嘉侍臣之匪躬念前人之蘊德

二月乙巳詔曰故官某毓德高邁藏器下僚代載儒雅家傳清白河東佐邑長不欺之風山南覆囚溢無寃之聽徂謝永久丘墳不飾啓茲令胤貞事先朝宜崇追遠之恩以表揚名之志可贈使持節丹州刺史王澤漏乎泉壤國禮崇乎宗廟漢帝論士恨不見李牧之為人曾子思親泣無逮楚王之厚祿道存運往痛矣餘悲緬尋前哲之所以聞無聲於四海視不見於百代者匪銘頌欵桓麟蔡邕其則不遠嗚呼霜露交積松檟滋深兄弟永懷相顧將老胡伯虎豈敢掩大人之清陳季方何足知家君之德小子銜恤非曰能文莫假辭於他者務傳信我也銘曰
猗嚴考用玄妙體太和碣高志貞夫一戒其多孝子

親正子家刑于訓清厥心晦厥迹畏厥寶如何其謙儉慈皇哉褒德永世有詞

府君墓誌

府君諱隲字成隲姓張氏其先晉人也晉分家世相韓韓滅留侯為漢謀主至字為范陽太守曰居其郡及華博物亞聖為晉司空君司空十二代孫也曾祖諱俊河東從事大父諱弋字嵩之通道館學士考諱恪未仕即世先君四代早孤單門軌立宗祀之不絕如綫府君襁褓褻麻鞠育舅氏而炳太和之純嘏爍遠慶之供徹疵身禮樂發言忠信無不誠大無不慎終日乾乾遠乎悔恠靈根顛而還植祖德墜而復振加以好學不倦聞一反三道機玄鍵罔不幽探外

王父大理丞某重世為士君傳其憲章博施精理年十九明法擢第解褐饒陽尉丁王母憂去職夫人少而守義老而無子因心創巨事不忍言喪紀之數加人一等服常調長子尉掇介休主簿洪洞丞太夫人在堂官求便近故累徙而不進也內清淨以化人外平反以悅親不樂歸美而善隱德故下車無赫赫之聲所去有遺愛之戀有命羗覆囚山南輜軒听歷全濟甚衆君以律有違經背禮善妨難十九篇書奏帝下有司而刑定之官黨同妬異竟寢其議道之將廢也歎命也咸倉其如命何調露元年秋奉使晉陽遇疾輦歸藥禱無降冬十二月大漸九日乙卯棄背於縣廨春秋五十有二先珪說不天摠角在疾明年春

奉轉藁殯於河東賴夫人撫養孤藐躬如訓授男習文雅女工組繡相不失親官復其舊景龍元年秋封長樂縣太君夫人故藍田丞威之女也享年七十有二是歲十一月戊申傾背於東都康倍里第於戲哀哉靡瞻靡依何怙何恃二年七月己酉克葬我先公夫人合附馬從周制也初議葬享夢度景於萬安山南孤堆東峯之下時淮南弘公相地曰是山為華蓋崗為蟠龍龍者大人之德孤者王侯之稱卜夢協兆何善如之乃定墳塋初定茲所小子銜洹誌之幽礎係曰

欽若古訓時惟皇考翕和三光希聖二老清有世業儉為身寶彌綸典憲思緝王道佐彼四邑人用不擾

生我曷後棄我曷早閱余髻髮遭家不造鳴鳩在桑
其子在棘母氏聖善示我顯命服天朝封邑舊國榮
未卒歲哀已匝域泣血思親昊天罔極孤之華蓋土
龍蟠連崗四繞帶林巒朝日吐耀遠峯攢微風夕發
過蕙蘭石室固護泉大寒衆靈幽謁奉神歡壽官深
靜永閑安

唐故涼州長史元君石柱銘并序

公諱仁惠字某河南洛陽人也昔帝軒命子爰宅幽
都天神降祚遂荒北嶽其後日月運行雲雷經始壇
塲鄴洛據天地之圖帶礪山河建王侯之國公魏昭
皇帝之十世孫中書令僕陽王順之曾孫也大父雄
魏濮陽王改封武陵王昆吾伯嗣越在濮陽之墟琅

瑯王子別封武陵之郡宇文朝降為武陵公太府卿
秦州揔管微子去國不替舊章薛侯未朝於焉降等
父胄隋儻豫二州刺史右衛大將軍襲封武陵公翼
亮隋室弘濟王基有佐命之元勳承異朝之世祿文
武籍甚貽宴深長公受金行之正性承冠世之隆烈
幼見岐嶷夙聞聲器靈臺雲秀繩墨之宰無施雅韻
天成金石之師何力屬隋網弛紊神棄不戢卿族衣
冠日失其序獨寤寐宿永懷盤澗之人葺器待時未
射高墉之隼唐高祖龍飛天宇鶴版巖林授公右千
牛錄鬻閑之恩舊也高皇邑子既與盧綰同衣世相
學徒則有嚴陵共宿久之以公事免為舊州法曹又
歷循州源河滑州靈昌二縣令克已為政鑿貌化忠
信之言直言與人仕已無喜愠之色永微在曆石真

構難群兇既剪江界蕭條帝念疲眊疇茲俾又乃授
睦州雉山縣令乘駟而往下車作則江浦海盜革面
未威然後聞網鳩人峻策羈吏閑田盡闢鰥寡委犬
彘之餘絕澗無遊豪猾屏蚕漁之氣我有禮樂達於
山川鬼神物應休禎孚於鳥獸草木朝廷異之拜朝
散大夫行隆州閬中令至改授雍州渭南令觀人設
教異邑同風遷隆州司馬尋加朝請大夫守涼州都
督府長史分乘兩蕃人康頌作化澄巴濮無侵橘柚
之園教溢河湟不飲蒲萄之酒離歌就異歲夢臨辰
命蹟脩途榮慙厚德總章二年終於官舍春秋七十
有三夫人安定梁氏文伯之妻君子以為知禮孟軻
之母良史述其能賢齊德茂於昭塗合樹期於幽隧

有子懷貞斧藻詩禮佩踐義方承家有護芝蘭如也
歷官右司員外郎太子舍人而徙事罹居復歸舊土
履霜露於三紀無改素冠之行違桑梓於十載還守
青門之田勤孝在乎追遠豐感思乎備物武陵公之
瑩域今順陵柏城之內也山園有禁奉瞻靡及粵以
聖曆二年歲次月朔別卜宅於咸陽縣肺浮原合葬
焉公孝友純深風標峻起門無雜客家有嚴君而佐
郡為邦弘風邁德執法不撓去邪勿疑仲由之政事
叔向之遺直豈稱論之典有關軌則之容將墜仰惟
代相恭承哀託郭有道之故事無媿蔡邕趙文子之
將遊永懷隋會寓詞楹石式題賢壟其銘曰
大哉乾元我族資始有國伊魏曰天之子

皇羲姓風	帝姬氏水	初業垂統	鬱乎舊史
崇德象賢	允也重軌	貞涵玉性	潤結珽源
武公之子	平王之孫	川流長直	光氣熊渾
孝栢深穎	義重荆潘	白珪比節	黃金敵言
行實剛簡	遊無諂黷	學妙神教	書能鬼哭
避彼屯運	盤恒空谷	四海有王	一旦明日
佩此芳草	遷于喬木	亦既從政	淑問克宣
秉心如水	臨事如弦	歷宰四色	高芬屬天
元僚兩郡	汪化流泉	江河秦蜀	嘉聲在焉
三光四浹	百川東度	天道運迴	人隨代故
倏忽三紀	悲涼千露	帝築橋山	傍壻祖墓
天斷舊域	地開新路	路即咸陽	阡惟京地

地氣雲直 長崗龍抱 窳揜銅人 瑩留石鳥
 塵歇徑城 山飛海少 篆刻楊石 亭亭華表

唐故左庶子贈幽州都督元府君墓誌銘

維開元十年正月己未庶子武陵公河南元公薨於
 東京留守之內館公諱景懷字某魏武陵王雄之曾
 孫右衛大將軍胃之孫贈鄜麟州刺史仁惠之季子
 昔天啓水行君臨寰海雄圖長發本枝殞茂濟美象
 賢餘慶不隕公受茲介祉誕膺淑靈幼有純至之節
 長立公直之操學綜群藝詞擅精微夫其結言以信
 導物以德清儉足以軌倍真厲足以矯邪故美暢於
 中名揚於外弱冠以國子進士高第補相府典籤藩
 邸擇賢妙盡時選尋以內憂去職重補相府參軍及

皇羲姓風	帝姬氏水	初業垂統	鬱乎舊史
崇德象賢	允也重軌	貞涵玉性	潤結珽源
武公之子	平王之孫	川流長直	光氣熊渾
孝栢深頽	義重荆潘	白珪比節	黃金敵言
行實剛簡	遊無諂黷	學妙神教	書能鬼哭
避彼屯運	盤恒空谷	四海有王	一旦明日
佩此芳草	遷于喬木	亦既從政	淑問克宣
秉心如水	臨事如弦	歷宰四色	高芬屬天
元僚兩郡	汪化流泉	江河秦蜀	嘉聲在焉
三光四浚	百川東度	天道運迴	人隨代故
倏忽三紀	悲涼千露	帝築橋山	傍壩祖墓
天斷舊域	地開新路	路即咸陽	阡惟京地

地氣雲直

長崗龍抱

窰揜銅人

瑩留石鳥

塵歇徑城

山飛海少

篆刻揚石

亭亭華表

唐故左庶子贈幽州都督元府君墓誌銘

維開元十年正月己未庶子武陵公河南元公薨於
 東京留守之內館公諱景懷字某魏武陵王雄之曾
 孫右衛大將軍胃之孫贈鄜麟州刺史仁惠之季子
 昔天啓水行君臨寰海雄圖長發本枝殞茂濟美象
 賢餘慶不隕公受茲介祉誕膺淑靈幼有純至之節
 長立公直之操學綜群藝詞擅精微夫其結言以信
 導物以德清儉足以軌倍真厲足以矯邪故美暢於
 中名揚於外弱冠以國子進士高第補相府典籤藩
 邸擇賢妙盡時選尋以內憂去職重補相府參軍及

明兩昇諸作貞萬國以官臣除太子通事舍人天授
中以親累除名向逾一紀後除直羅溫縣二令雖大
位未享通材必又初自太府主簿累入副卿河南掾
曹克昇亞尹握蘭右轄綱紀南宮秉茲憲簡肅彼專
席再踐儲華率踐官相執心好直履法斷息觸雷霆
而除惡不避也枉絲髮而于譽不為也升降兩宮出
入三代克慎其始終厥有成君子以為難允哉其難
矣及啓手歸全遺言薄葬家無長物士伏其清年過
懸輿人傷其天嗚呼哀哉贈都督幽州諸軍事幽州
刺史贈悼之節優於恒數明年二月歸葬于咸陽之
舊塋夫人常氏祔馬禮也夫人即逍遙公敬遠之玄
孫左常侍希仲之叔姊淑行無徵華年早世其孤彥

仲等克遵遺訓靡所寘哀說情睦外姻深懷國士既
聞西階之奠遠投東武之詞銘曰

卓彼英運	慶靈既長	貽訓夫子	體微知章
在藝斯博	於歆則少	徒文其中	莫飾其表
惟靜惟默	不激不矯	時經三代	官成兩宮
化若風偃	德如澤融	邦稱其直	朝喪其忠
禮柎周兆	墳瞻漢宮	哀哀純孝	長訴旻穹

周故通道館學士張府君墓誌

君諱弋字嵩之范陽方城人也其先張仲以孝友佐
周子孫醜周仕晉晉相韓至留侯報韓雋秦興劉滅
頃為漢世家九代及于漢亂居燕四葉為晉司空混
一天下司空生掃避胡過江六世至太常而復寓于

河東之族人君即太常卿隆之曾孫微君子犯之孫
河東從事俊之子性倜儻尚氣節能引弓六鈞命中
百步車服出入擬於封君州里頗患之君廼勵操強
學不出門者十餘年探道觀奧鬱為淵藪周武帝聞
之徵為通道館學士既入隋而面其國高尚厥志終
於山廬嘗言夷齊清者非達伯鸞曠者非中優哉游
哉吾不與也夫人某氏少而嫠居長而喪子流離世
故窮盡艱危提攜女姓託身禪宇實有高行之烈隱
居之風未遑歸葬有志不就遺恨終天降及曾孫追
申情禮景龍三年歲次己酉十月十六日克葬曾王
父曾王母於河東之普救原成先志也銘曰
皇矣烈祖 才雄氣武 不值漢高 空思萬戶

一旦折節

十年學古

高步華先

飛纓書府

昔有周處

聃蛟契虎

易暴以儒

異代同矩

周命既沒

鼎遷于隋

仕於二姓

君子不為

昭昭盛德

百代之規

唐處士張府君墓誌

府君諱恪其先晉人晉有張老韓有開地漢有留侯
八代孫皓為司空司空子宇為北平太守遭漢亂難
家于范陽至玄孫華復為晉司空遇難子孫南度其
處者或寓於蒲坂周齊間有歸者回從焉君晉司空
十一代孫也曾祖徵君諱子犯祖河東郡從事諱俊
父通道館學士諱弋德昔遺軌詳諸家諜君孤紹單
門傍無兄弟苗而不秀未仕而卒道未融於邦國位

未揚於王庭故老之口浸遠好事之書又闕是後生
不得預聞焉哀嗣子洪洞丞隲襁褓麻育於舅氏
夫人隴西董氏常州長史雄之女也早年守義唯鞠
一子嚴而有檢勤而善訓成先人之平烈貽後嗣之
積善微太夫人德則張氏幾將墜焉開耀元年十二
月二十七日終於廊城縣世婦之別業春秋七十有
二先君之違世也太夫人在堂大門在殯日月逾邁
有志未從是諸孫疾焉若履淵谷以景龍三年歲次
已酉冬十月二十六日克葬王父王母於蒲坂東司
空之村成先志也銘曰

綿綿王父
烈烈王母

續我靈墓
克明克類

幼而殖德
教成嚮子

人莫知之
光我族嗣

中條之北
千年啓室

大河之東
百歲來同

丘陵桑梓
永惟先志

鬱鬱崇崇
欽成厥終



張說之文集卷第二十

積學齋徐乃昌感書





